

DIARIO

UN BANDERA... UN ESCUDO... UN HIMNO... UN DIARIO

582-6747

Engelandstraat 29

@ noticia@diario.aw

www.diario.aw

2,00 FLORIN

OM

**Evita cu Grens
Politie para
bo y talbes
perde bo
buelo**

Cantidad di hende a bay Diamars cumpra webo pa menos di 6 Florin

ORANJESTAD (AAN): Tabata Diamars atardi, cu e compania Super Do It Center na Shaba, a ricibi cargamento di webo blanco, y a pone nan mesora na un prijs hopi special na benta.

Mesora un boca a bisa otro, y hendenan a yega pa asina cumpra uno pa nan mes, uno pa nan mama, y otro pa e bisia.

E prijs di e webonan aki tabata solamente 5.99 Florin pa caha, y e atraccion ta cu yen hende a yega enbusca di e webonan aki di bon calidad, y asina economico. Pabien na gerencia di Super Do It Center Aruba pa yuda comunidad spaar placa.



Den cuadro di Dia di Autismo

Fraccion di AVP a haci bishita na 'Brighter Future Academy'



ORANJESTAD (AAN): Diaranson mainta, miembronan di fraccion di AVP a haci un bishita na Brighter Future Academy.

Manera ta conoci, Brighter Future Academy ta un proyecto cu ta brinda oportunidad entre otro na muchanan cu no a logra den prome instante pa drenta e sistema escolar subsidia di Aruba.

Ban celebra con tur mente ta traha. Ban enfoca como un comunidad ariba kico nan por haci, kico nan por logra y con nos por apoya na nan desaroyo y inclusion den nos comunidad. Nos tur como ser humano ta diferente y riba Diaranson a tuma un momento pa trece concientisacion pa Autismo.

Parlamentario Carlos Anthony Bermudez di AVP, a splica tambe cu un pais su progreso ta wordo midi, entre otro na e bienestar di su comunidad, unda ningun hende mag di keda atras.

Riba e dia mundial di concientisacion di autismo (World Autism Awareness Day) aki, laga nos reafirma nos compromiso pa sostene y yuda esnan den necesidad, garantizando cu nan lo ricibi e cuido, educacion y atencion special cu nan merece.

Marlon Sneek, Presidente di Parlamento:

Revision di e Reglement van Orde pa independisacion di Parlamento ta na DWJZ caba

**Aworaki e proceso ta na mas of menos 65%*


Muchanan a siña hopi aspecto fascinante di e operacion di NV Elmar



ORANJESTAD (AAN): E compania NV Elmar recien a brinda un experiencia electrificante na D-Kids Camp!

Tecniconan di NV Elmar tabatin e placer pa duna un presentacion educativo na e D-Kids. E team di Grid Quality Management a inspira e muchanan cu demostracionnan interesante tocante nan trabao.

E demostracion a inclui un 'Isolatie Weerstand Test' riba un kabel subteraneo. Alabes, e D-Kids a haya e oportunidad di por a scucha cu un 'akoestische en elektromagnetische fout apparaat' e zonido ora cu tin un kabel storing bao tera dentro di un red di coriente. Un dia hopi electri-sante cu weganan electrico unda cu tur hende por a disfruta y sinti e energia positivo! Danki na e Team di Grid Quality Management pa e momento educativo aki.



Gateway 2030 moviendo den bon direccion

Prensa a bay haci un site-inspection di edificio nobo di USA Departures

• *Enfoke lo bay ta riba Self Service Check-In*



ORANJESTAD (AAN): E proyecto di 'Gateway 2030' pa amplia Aeropuerto di Aruba ta bayendo den bon direccion. Di e forma aki, ta tratando di elimina tur 'bottlenecks' cu pasaheronan ta confrontando cune actualmente debi cu e lugar no por

domina e fluho fuerte di pasahero.

E proyecto di Gateway 2030 ta representa un inversion importante pa moderniza y inova Aeropuerto di Aruba pa sobrepasa e dificultad pa capacidad, y yuda asina pa e bira un Aeropuerto di clase



mundial.

E proyecto ta bay den Fase, y aworaki por mira cu Fase 1A ta kedando cla. E ta inclui un sala grandi di check-in pa vuelonan rumbo pa Merca, un espacio nobo pa maleta, y oficinanan di Aerolinea.

Tin varios Self-Service Check-In ademas di multitud di counters pa pasaheronan por entrega nan maleta, etc.

Riba Diaranson, prensa a wordo invita pa haci un 'Site Inspection' di e lugar aki. Prensa a wordo yama bon bini door di Barbara Brown, kende mesora a introduci Marilou van der Linden, kende ta Operations Manager na Aeropuerto, y a splica riba con nan ta kedando cla pa operacion cuminsa den e partinan nobo, y tambe con cada proceso a pasa via fasenan.

Na luna di Maart nan tabatin fasenan critico cu a tuma lugar, sigui pa April, y yega un etapa na luna di Mei.

Nan ta enfocando hopi riba ORAT, cu nifica 'Operation Readiness Activation and Transition'. Nan ta hayando asistencia di e compania Chrysalis Global Consulting cu ta un especialista di ORAT, cu ta yuda Aeropuerto di Aruba pa check si nan ta full cla pa cuminsa opera den e partinan aki. Cu esaki nan a informa tur aerolinea y ground-

handlers tambe riba e asunto. Nan tur a bay den e planning, pa asina nan wordo informa ta con e sistema lo cambia, con lo tin di haci un forma nobo di traha.

E focus principal den e Sala di Check-in aki ta riba 'Self-Service' na e diferente computernan poni pa pasaheronan mes check-in pa nan vuelo. Esey ta un forma nobo di traha, cu tur empleado tin di bay ta costumbra cune.

Ora cu bo yega na e edificio nobo di Check-in aki, bo ta mira un caminda traha su dilanti cu ta dirigi unicamente na e edificio aki pa vuelonan USA Departures. Asina cu bo sali di e Spiral Rotonde di Green Corridor y bo dreठा tereno di Aeropuerto, lo bay tin un caminda nobo special pa bo bay na e edificio aki di check-in pa vuelonan Mericano. Pues tur pasahero rumbo pa Merca, lo tin di bay pasa riba e caminda aki.

Lo bay tin un Y-splitting cu ta pa trafico cu ta dirigi su mes pa e edificio di 'International Flights'.

Partido MEP: Nos Muchanan, Nos Prioridad!

Luna di april ta decreta como luna nacional di conscientisacion contra abuso di mucha



ORANJESTAD (AAN): Luna di April a wordo decreta como luna nacional di conscientisacion pa loke ta abuso di mucha. Den connexion cu esaki, Parlamentario Evelyn Wever-Croes ta extende un invitacion na tur instituto, fundacion y instancianan gubernamental pa pone enfasis riba abuso di mucha y con por evita esaki.

Gabinete Wever-

Croes den gobernacion a tuma hopi paso pa purba limita y preveni abuso di mucha, y den caso tal cu e tuma luga pa por actua lihe. Na aña 2020, Gabinete Wever-Croes II a aumenta e ley di castigo di abuso sexual contra nos muchanan. Despues a fortifica e institucionan introduciendo e codigo di proteccion pa asina por detecta cualkier abuso contra nos much-

anan di trempa y pa por actua lihe.

"Nos muchanan ta wak nos como adulto pa duna nan cariño, stima nan y proteha nan. P'esey ban haci e luna aki uno nacional na unda tur ciudadano di pais Aruba ta reconfirma nan compromiso pa duna nos muchanan e cariño, e amor y e proteccion cu nan merece" Parlamentario Wever-Croes a expresa.



AANKONDIGING

Bij exploit van mij, M.M.C. Croes, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van de 2^{de} april 2025, waarvan een afschrift is gelaten aan de Directeur van het DWJZ in Aruba, die het originele voor GEZIEN heeft getekend, is ten verzoeken van de naamloze vennootschap Aruba Bank N.V.,

AANGEZEED aan AMIR NASSAR TAYUPE, zonder bekende woon- en/of verblijfplaats in Aruba of elders, om binnen zeven (7) dagen te voldoen aan het in voormeld exploit omschreven, bij gebreke waarvan op donderdag 7 augustus 2025 om twee (2) uur in de namiddag ten overstaan van notaris mr. M.J.C. Tromp of haar plaatsvervanger in de surfside Marina, L.G. Smith Boulevard nr 7, tot de openbare verkoop van de verbonden onroerende zaak zal worden overgegaan;

M.M.C. Croes,
Gerechtsdeurwaarder.

Marlon Sneek, Presidente di Parlamento:

Revision di e Reglement van Orde pa independisacion di Parlamento ta na DWJZ caba

**Aworaki e proceso ta na mas of menos 65%*

ORANJESTAD (AAN) — Presidente di Parlamento, señor Marlon Sneek, den entrevista cu DIARIO a menciona cu aunke e tin tres dia den su funcion, desde Diabierne cu a pasa, el a haya oportunidad di sinta cu Griffier. El a wordo informa cu pa locual ta independisacion di Parlamento, e proceso ta na 65% mas of menos, e revision caba di loke ta Reglement van Orde cu ya caba ta na Directie Wetgeving Juridische Zaken (DWJZ), unda ta tira un bista riba dje pa e partinan legal, y basa riba dje Parlamento por oficialic'e. Esey ta bira e Reglement van Orde nobo di Parlamento.

“Nos mester caba cu e ‘Functie Bestrijding’ den Parlamento, con e structura ta bay ta, kico ta e funcionnan cu ta bay tin, ken ta bay tuma e funcionnan aki, y tambe mester traha riba e Ley mes, unda bo ta independiza Parlamento. Aworaki, Parlamento tin su presupuesto caba, pero ta dia di awe e ta resorta bao di Prome Minister”, Marlon Sneek a relata.

Presidente di Parlamento a indica cu nan tabata tin un structura cu a cuminsa for di 2017, unda cu Algemene Rekenkamer, Parlamento y Raad van Advies, ta e tres organonan cu mester a bira independiente, pasobra tur tres ta resorta bao di Prome Minister, pero por a wak tambe cu esun cu tabata presidente di e Comision, señor Swaen, a entrega su



retiro. Mester wak, den e caso aki, con gobierno lo bay sigui atende cu ne, si ta bay keda cu e Comision ey, si ta bay nombra otro presidente”, Sneek a

señala.

Sneek a expresa cu, en todo caso, pa loke ta Parlamento esaki a cuminsa move caba den e cambianan cu mester

tin. E reglement van orde a wordo atendi caba te cu el a bay over na RvA, den e Comision, y mescos mester pasa cu e Ley di Independisacion, unda cu tur fraccion ta participa, riba e mesun liña pa despues no yega sala cu bo no ta di acuerdo cu esaki of esaya.

Marlon Sneek ta kere cu mester haya tur hende riba un liña, y ora e caba mester manda e Ley ainda na DWJZ, unda cu nan mester haci nan revision y entrega e producto final.

“Mi ta kere cu si

nos haci un esfuerzo, e concepto lo por ta cla pa wordo entrega na DWJZ, y den e curso di otro aña lo por tin un votacion riba dje. Manera mi a bisa nos cu haya tur hende di acuerdo cu locual tin poni den e documento pa mañan bo no ta haya ‘cu a traha un ley pa fit esaki, pa fit esaya. Idea ta pa nos haya un ley cu tur hende ta carga, y practicamente ora e ta yega sala nos ta keda unanime pasobra tur hende a traha den dje”, Presidente di Parlamento Marlon Sneek a señala.

Fiscal Zamira Paesch:

Esnan cu ta bay vakantie y tin boet habri na OM corda cumpli cu pago prome cu yega Aeropuerto

• Evita cu Grens Politie para bo y talbes perde bo buelo

ORANJESTAD (AAN) Fiscal Zamira Paesch, di Ministerio Publico, den entrevista cu DIARIO a menciona e hecho cu Pasco Grandi ta yegando y cu hopi hende ta bay biaha, y CEA ta bezig tur dia cobrando boetnan bieu.

“Prome cu esaki pasa y CEA ta bin busca bo, bo lo a haya tres carta, por lo menos, di Ministerio Publico: ‘kennis geven’, un prome y un di dos advertencia, Dus, pa nan yega cu CEA nos lema ta sea bo ta paga of CEA bisa bo ‘bo tin un suma di boet habri, bo tin e chens pa paga full e suma aki, of bo tin cu sinta NAKIA e dlanan cu ta ekivalente na 50 florin.

“Tambe na Aeropuerto, nos partners di mas

importante ta KPA y Grens Politie, unda tur dia nan ta haya un lista di personanan cu a yega na nan di dos advertencia caba, cu nan a haya diferente chens pa paga nan boet y nan no a hacie. E personanan aki ta wordo para na aeropuerto y nan tin cu paga esaki prome cu nan bay goza nan vakantie”, Fiscal Paesch a subraya.

Esaki ta un momento fastioso unda cu grens politie ta hala e persona un banda, bis'e cu e tin un suma di boet pa paga. “E conseho ta pa evita di yega asina leu, pasobra bo sa cu bo tin un boet habri, bo a haya tres carta alomenos di Ministerio Publico, Dus evita e experiencia aki na aeropuerto. Biaha cu bon



cen y paga e boet prome cu bo yega aeropuerto”, Fiscal Zamira Paesch a reitera.

Un problema cu OM ta haya diferente biaha ta cu tin hende ta cambia di adres sin avisa nan.

E ta keda na cada ciudadano di ta responsabel pa cambia su adres na censo, y OM tin e obligacion di manda e carta na e adres registra na Censo, y esey ta loke OM ta haci.

Bon gobernacion ta cuminsa cerca e ciudadano cu ta dicidi pa e pais

Lugar di Colegionan Halto di Estado mester bira mas prominente

**E voz di Parlamento, Raad van Advies y Algemene Rekenkamer*

**Logro di Status Aparte tabata basa riba conocimiento di Leynan*

ORANJESTAD (AAN) — E forma cu hende demasiao bez ta mira Gobierno na un pais cu ta yama su mes democrático, ta deshaci di e esencia mas importante di democracia, cu ta e poder di Pueblo pa controla y realmente dicidi pa su pais.

Den construcion di gobernacion democrático, instancianan importante mester evita cu gobernacion di un pais ta bira un dictadura escondi den cual e maneho di propiedad y bienestar di Pueblo ta perde su valor.

Aruba ta un Estado di Derecho, un Estado di Ley. Esaki ta nifica cu tur cos ta wordo regla pa medio di Ley y no pa voluntad di ningun poder sea eligi of no eligi dor di Pueblo.

Con importante e observacion di bienestar di Pueblo ta den gobernacion di Aruba, ta cuminsa den top di Aruba como pais den Reino.

E Hefe di Estado di Aruba ta Rey y e Primera Dama di Aruba ta Reina, esposa di Rey.

Sin embargo, Rey no tin un poder absoluto na Aruba, cu conoce un monarquia Constitucional, cu directamente ta hiba na constitucion, cu ta regla e gobernacion di e pais.

Aruba ta un pais soberano den Reino a base di Statuut, cu ta wordo reconoci como uno di e mihor areglonan di gobernacion na mundo y cu ta duna Aruba, mescos cu tur otro pais di Reino incluso Hulanda, un gobernacion propio regla atrobe den Statuut.

E proteccion di e ciudadano di Aruba y su derechonan, ta bini hustamente dilanti den e separacion di podernan y realidadnan hancra den e base legal di Aruba.

E nacionalidad di e Arubiano y e hecho cu Aruba ta un teritorio di Reino Hulandes, ta parti integral di e areglo estatal total di Reino Hulandes.

Statuut ta regla e relacionnan den Reino, cu tin su constitucion y Consejo di Ministro di Reino.

E relacionnan den Reino ta basa riba e factor di democracia, cu ta hancra den e hecho cu cada pais ta scoge su Gobierno encarga cu su asuntonan pero semper na interes di e ciudadano Hulandes cu ta parti di uno di e comunidannan den Reino.

Aruba ta scoge su Gobierno pa medio di eleccion, cu ta un sistema legal, y cada gobernante di Aruba ta mara na ley den ehecion di su tarea, mescos cu ta e caso cu cada representante di e pais, eligi directamente pa Pueblo, cu ta Parlamento.


E poder Hudicial ta independiente di mundo politico den gobernacion y asina ta asegura cu husticia ta wordo haci cu tur miembro di e comunidad Arubano, cu no solamente den casonan penal, pero tambe den caso civil por busca su derecho contra Gobierno mes si ta necesario.

Pa percura pa gobernantenan y henter e funcionamiento di gobernacion ta realmente di acuerdo cu Ley y bienestar di pais y habitante, Colegionan Halto a wordo introduci,

Lamentablemente na Aruba, mescos cu ta e caso na hopi pais, falta di conocimiento di e forma cu e pais ta wordo goberna, ta haci cu instancianan importante di democracia, no ta conoci pa Pueblo di e pais.

Aruba conoce tres Colegio Halto di Estado. Nan ta Parlamento, Raad van Advies y Algemene Rekenkamer Aruba.

Debi na e hecho cu Parlamento ta consisti di politiconan eligi, e miembronan tin popularidad cu miembronan di e otro organonan halto di Aruba no ta disfruta. Hasta ta parce den bista di Pueblo cu tanto Parlamento como Gobierno ta superpoderoso,



pero esaki no ta berdad, pasobra democracia ta defende Pueblo contra tendencia superpoderoso, cu ta igual na dictadura.

Raad van Advies y Algemene Rekenkamer Aruba ta vigila e trabou legislativo di gobernacion di Aruba, cu ta conta cu control di Algemene Rekenkamer Aruba, cu ta wordo yama e Tribunal di Cuenta di Aruba. Lamentablemente falta di conocimiento di e funcionamiento real di e pais, ta pone politiconan eligi pa Pueblo na un lugar, cu no ta e lugar berdadero di un democracia cu ta mara tur hende na Ley.

No ta mundo politico ta dicidi pa e bienestar di Aruba pero e cuadro di Ley di Aruba cu ta stipula exactamente kende por actua como gobernante di e pais y na cual forma democrático. Pa Pueblo por controla su Gobierno, conocimiento di Ley ta inevitabel y ta sigur parti di trabou di prensa, di Sindicatonan, di Camara di Comercio y tur organizacion cu ta parti di Pueblo. Control di Gobierno ta deber di tur ciudadano pa asina segura cu gobernacion di Pueblo di Aruba ta realmente democrático y na interes directo di e pais.

Den e cuadro aki mas importancia y publicidad mester wordo duna na e voz di Colegionan Halto di Estado, cu tin den man e signanza cu Aruba ta realmente un pais democrático.

Esaki sigur ta exigencia

despues cu na 1986 Aruba a haya su Status Aparte a base di e lucha di Betico Croes, cu a uza e esencia legal di Aruba, pa crea un pais autonomo den Reino, manera a bira realidad dia Prome di Januari 1986.



TRABOU DI MANTENCION RIBA LIÑA DI DISTRIBUCION JARA
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diamars, 8 di april, 2025
8:00 AM te cu 4:00 PM

Den vecindario di:

- Savaneta (un parti)
- Gen Maj de Bruynewijk (un parti)
- Humildad (un parti)
- MFA Savaneta
- Seroe Alejandro (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.



ELMAR

Segun consumidor:

Mester duna mas sosten na e productornan di webo crioyo pasobra esnan importa ta impagabel

• Tin supermercado unda e prijs a bira mas cu 20 florin

ORANJESTAD (AAN); Un consumidor a tuma contacto cu mesa di redaccion di DIARIO, pa haci un remarke tocante prijs pa un dozijn di webo importa.

E consumidor a comenta cu den algun supermercado (poco) nan ta ofrece webo crioyo, pero nan ta caba den un frega di wowo, no solamente pasobra nan ta menos caro pero pasobra e calidad ta miho cu esnan importa.

E ta haya cu ta produci

webo crioyo mester conta cu mas sosten economico di gobierno pa nan por aumenta nan produccion, pasobra e webonan importa ya a yega 20 florin e caha di diesdos unidad, y e mes por a ripara den un supermercado cu tin consumidornan cu ora di wak e prijs nan ta laga para e caha y ta bisa cu nan ta prefera di no come webo, siendo cu esaki ta un di e alimentonan basico den e dieta di nos poblacion.

El a comenta tambe cu e

sa cumpra bolo cerca un famia cu pa añanan largo ta traha bolo di e calidad di mas halto y sabroso, y cu pa fiestanan nan ta traha berdadero obra di arte. El a yama pa bestel un bolo pa su yiu cu ta bay cumpli aña y alavez caba su MAVO, y pa su sorpresa nan a stop di traha bolo, pasobra e materia prima a bira hopi caro y vooral webo. Ultimamente, nan ganashi tabata minimo, pero despues a cumenza registra perdida. Algo hopi



lamentabel, e consumidor a comenta.


E ta spera cu comunidad mes cumenza apoya mas e farmers cu tin un industria chikito di webo crioyo, y cu

gobierno por yuda nan cu subsidio, pa nan expande nan negoshi y kizas, hasta Aruba por exporta webo crioyo alomenos den nos regionnan bisiña.

Richard Deluvia a ricibi Decreto Gubernamental for di Director di Departamento di Cultura

ORANJESTAD (AAN): Diaranson 2 di april, Richard Deluvia a cumpli 35 aniversario trahando pa Pais Aruba. Richard a dedica su bida profesional como Audiovisueel Medewerker na Departamento di Cultura Aruba (DCA), contribuyendo grandemente na preservacion y promocion di nos cultura.

Na e ocasion aki, director di DCA, drs. Siegfried Dumfries, a entreg'e su Decreto Gubernamental



como gratitud pa su dedicacion y trabou. Pabien Richard!

LUNA DI LOCURA!

CUMpra 2 LOTTO 5 Y HAY 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE **GRATIS!** MAS BO CUMpra, MAS TICKET LOCO **GRATIS** BO LO RICIBI!

PROMOCION TA VALIDO DESDE 1 TE CU 30 DI APRIL

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

www.lottoaruba.com

BOPEL TECHNICAL SERVICES NV

Tin vacatura pa lo siguiente:

- Elektrotechnisch Medewerker (Fulltime)

Jouw taken en verantwoordelijkheden onder andere:

- Installeren, onderhouden en repareren van elektrotechnische installaties;
- Opsporen en verhelpen van storingen;
- Uitvoeren van inspecties en keuringen;
- Meewerken aan innovatieve projecten binnen de elektrotechniek;
- Adviseren en ondersteunen van klanten en collega's.

Wat wij van jou vragen:

- Een afgeronde MBO- of HBO-opleiding in Elektrotechniek;
- Ervaring in de elektrotechnische sector is een pré;
- Kennis van de geldende normen en regelgeving;
- Zelfstandig kunnen werken, maar ook een teamplayer zijn;
- Oplossingsgericht, nauwkeurig en klantgericht werken;
- In het bezit van een rijbewijs B.

Por pasa solicita personalmente na nos oficina situa na Kas Paloma # 70, di Dialuna pa Diabierna entre 7:00am - 12:00pm y 1:00pm - 4:00pm. Tel. 5833030



Awe parti di Kamerlingh Onnestraat ta 7 ora sin coriente



ORANJESTAD (AAN): E compania NV Elmar ta sigui haci mantenimiento necesario na varios Casita di Trans-former rond di Aruba.

Riba Diahuebs 3 di April 2025, esaki lo bay tuma lugar na algun area di Companashi na Playa.

Pa sigui garantisa suministro di electricidad, NV Elmar lo ehecuta trabou di manten-cion den e area di Kamerlingh Onnesstraat y vecindario.

Durante e trabao, ta neces-ario pa desconecta temporal-mente e coriente pa garantisa seguridad tanto pa Elmar su tecnicoan como esnan den e area. Coriente lo wordo kita for di 8:30 am te cu 3:30 pm.


Den Kamerlingh Onnestraat, e casnan afecta ta cu adresnan 28-B, 30, 30-B, 52-G, 52-H, 52-J, 54-E, 54-I, 54-K, 54-M, 54-P, 54-Q, 54-R, 56-C, 60, 60-A, 64, 64-A, 66, 70-A, 74, 74-A, y 74-B.

Den Laurens Costerstraat, e casnan afecta ta cu adresnan 1, 3, 4, 5, 6, 7, 8, 9-B, 9-D, 10, 16-A, 20, 22, 24, 33, 37, 39, 43, 45, 51, 53, 56, y 58.

Den Nobelstraat, e casnan afecta ta 11, 11-B, 13, 13-B, 13-C, 15, y 17.


Den Edisonstraat, e casnan afecta ta 28-A, 36, 37, 38, 40, y 42. Den De La Sallestraat, e casnan afecta ta De La Sallestraat 26, y De La Sallestraat 30.

100 Years Of Superior Experiences



Payment Received!

Get your money back fast, easy, and free with **Sentoo.me**



Getting your money back should be easy.



Skip reminders—no more chasing friends, family, or colleagues



Send a secure payment link via WhatsApp or SMS in seconds



Enjoy the feeling of being repaid instantly

Try Sentoo.me today!



www.arubabank.com

Find us on:    

Manera stipula pa ley prome cu 1 di April

MEP a entrega relato anual financiero di Partido

ORANJESTAD (AAN): Ley ta stipula cu cada partido politico mester entrega un relato anual financiero prome cu 1 di April di e aña siguiente. Lider di partido Movimiento Electoral di Pueblo (MEP) Evelyn Wever-Croes a indica cu partido MEP, manera ley ta stipula, e entrega e relato anual di aña 2024, dia 31 di Maart 2025.

Lider di partido a splica cu e relato aki ta refleha no solamente e operacion di e partido pero tambe campaña

electoral 2024. Entradnan di partido MEP ta consisti di contribucion di miembronan, di donacionnan y di e actividadnan di fundraising di cual tur a worde declara na Electoral Raad.

E gastonan di partido tabata mayoria operacional, mirando cu partido MEP a traha hopi riba e infraestructura di cede. Paden a worde drecha y pafu comunidad completo por admira e bunita mural. Tambe partido MEP a inverti den e ultimo campaña cu ta-

bata uno hopi intenso. Pa cu e gastonan, por nota den e relato anual cu a keda un debe chikito ainda na banco cu lo mester cumpli cu ne den e proximo simannan


“Mi kier gradici nos presidente señor Ricky Hoek, nos tesorero, y tur esnan cu a yuda nos traha riba e relato anual aki pa asina partido MEP un biaha mas por cumpli cu ley manera ta stipula cu mester entreg’e prome cu 1 di April” Lider di partido a expresa.

sentoo.me

Arubabank



Cruz Cora ta fortifica su capacidad pa responde den Caribe pa evita separacion di famia den situacion di desaster



ORANJESTAD (AAN): Den luz di e consecuencianan humanitario di desaster natural den Caribe, e "Family Links Network (FLN)" a cuminsa diaranson cu un reunion pa reforza "Restoring Family Links" (RFL), cu coordinacion, preparacion y respuesta na emergencia, incluyendo desaster. Den e reunion aki na Jamaica, ta participa 20 Sociedad Nacional di Cruz Cora di e region y e paisnan cu ta papia ingles y frances (Antigua y Barbuda, Aruba, Bahamas, Barbados, Belize, Bonaire, Curacao, Canada, Dominica, Grenada, Guyana, Haiti, Jamaica, St. Kitts y Nevis, Saint Lucia, Saint Vincent y Grenadines, Suriname, Trinidad y Tobago, Turks & Caicos y U.S.A.), Federacion

Internacional di Cruz Cora y Sociedadnan (IFRC) y Comision Internacional di Cruz Cora (ICRC).

Enfoke di e meeting aki ta, entre otro: reforza e trabou y comunicacion, pero tambe e coordinacion entre e sociedadnan nacional. Tambe nan lo tin oportunidad pa comparti experiencia, reto y practicanan den e field di RFL. Preparacion, respuesta den desaster, proteccion di data personal, prevencion di separacion y desaparicion bou e circunstancia di desaster.

Fenomeno natural, ocasiona pa cambianan climatico y aumento di tormentanan y horcan den Sur Atlantico y Caribe ta causante significativo di perdida di material, separacion di

famianan, desaparicionnan y morto tur aña. E situacion aki tin hopi impacto riba servicionan y comunicacion ta aumenta vulnerabilidad di comunidadnan, lagando nan den duda y ansioso pa cu e seguridad y paradero di nan sernan keri y ta disminui nan capacidad pa recover.

E Movimiento di Cruz Cora Internacional ta desplega su programa di Restoring Family rond mundo, pa yuda miles di persona mantene y reestablece contacto cu sernan keri, pero tambe pa localisa nan via e Family Links Network. Esaki ta wordo realiza cu coordinacion cu autoridadnan y por medio di varios servicio, manera: yamadanan telefonico, conexon di internet (tin ora via satelite), cargamento di



ekipo di comunicacion cu coriente, mensahenan skirbi di Cruz Cora, peticionnan di rastreo, buskeda etc.

E Movimiento di Cruz Cora Internacional ta e red humanitario mas grandi di mundo, cu su mission ta pa preveni y alivia sufrimento humano den tur situacion; proteha bida y salud; y a sostene dignidad humano, particularmente den situacion

di conflict arma, violencia arma y otro emergencianan. E Movimiento ta consisti di Federacion Internacional di Cruz Cora (IFRC), Comision Internacional di Cruz Cora (ICRC) y e 191 Sociedadnan Nacional, presente den casi tur pais na mundo.

Pa mas informacion: info@redcrossaruba.com



AANKONDIGING

Bij exploit van mij, Josefijn P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint-Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van **2 april 2025** waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, is **Kattiana JOSEPH**, zonder bekende woon- en/of verblijfplaats in Aruba of elders,

OPGEROEPEN:

Om op **woensdag, 2 juli 2025 des voormiddags om 08:30 uur** of voor de rechtsdag, zij schriftelijk op het verzoekschrift kan antwoorden via e-mail: woensdaghandelsrolaua@caribjustitia.org, (AUA202500817 AR) teneinde op het door **de naamloze vennootschap ISLAND FINANCE ARUBA N.V.** ingediend verzoek te worden gehoord (Brown Lawyers 523-4242).

Josefin P. Locadia,
Gerechtsdeurwaarder.
588-1700



AANKONDIGING

Bij exploit van mij, Josefijn P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van **2 april 2025** waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, zijn **DE ERFGENAMEN VAN DE HEER NELSON EDWIN HOEK**, zonder bekende woon- of verblijfplaats in Aruba, **OPGEROEPEN** om op **woensdag, 20 augustus 2025 des voormiddags om 08:30 uur** of voor de rechtsdag, zij schriftelijk op het verzoekschrift kan antwoorden via e-mail: woensdaghandelsrolaua@caribjustitia.org, teneinde op het door **Franklin HOEK en Diana Maria HOEK-MADURO**, ingediend verzoek te worden gehoord, welke domicilie kiezende ten kantore van advocaat mr. D.G. Kock

Josefin P. Locadia,
Gerechtsdeurwaarder. (Tel: 588-1700)



AANKONDIGING

Bij exploit van mij, Josefijn P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curaçao, Sint Maarten, Bonaire, Sint Eustatius en Saba, en bij het Gerecht in Eerste Aanleg van Aruba, van **2 april 2025** waarvan een afschrift is gelaten aan de Directeur van het DWJZ in Aruba, die het origineel hiervan voor GEZIEN heeft getekend, is **Gökhan DEMIR**, zonder bekende woon- of verblijfplaats in Aruba, **OPGEROEPEN** om **maandag, 18 augustus 2025 des voormiddags om 09:10 uur** ter terechtzitting van het Gerecht in Eerste Aanleg van Aruba, gevestigd aan de J.G. Emanstraat nr. 51 Aruba te verschijnen, teneinde op het door **Ishmara Angèle GUMBS**, ingediend verzoek te worden gehoord.

Josefin P. Locadia,
Gerechtsdeurwaarder.
Tel: 588-1700

Tene cuenta cu awe Diahuebs

Area grandi di San Miguel cu Koyari y Washington lo keda 8 ora sin coriente



ORANJESTAD (AAN): E planning pa manteni-
mento di waya y kabel-
nan di coriente ta sigui, y
e compania NV Elmar ta
anuncia cu awe Diahuebs
a 3 di April 2025 lo ta uno
caminda parti di Noord lo
wordo desconecta, pa asi-
na por haci trabao di man-
tenimento.

Esaki ta pa area di Wash-
ington, Koyari, Keito,
Gasparito, Bubali, y San
Miguel. Pa sigui garantis-
a suministro di electricidad,
NV Elmar lo ehecuta tra-
bounan di mantencion den e
area di Bubali y vecindar-
io.

Durante e trabou, ta nec-
esario pa desconecta tem-
poralmente e coriente pa
garantisar seguridad tanto
pa ELMAR su tecnico-
nan como esnan den e area.
Diahuebs nan lo corta cori-
ente for di 8:00 am te cu
4:00 pm. Esaki pues ta 8
ora sin coriente. Aki DIA-
RIO ta presenta e adresnan
cu lo wordo afecta.

Adresnan na Bubali ta
22-C, 28, 30, 30-A, 30-B,
33-A, 33-B, 34-A, 48, 74-A, 74-B,
74-C, 74-D, 74-E, 74-F,
86-D, 86-E, 86-F, 86-G,
86-H, 86-I, 86-K, 86-L,
86-M, 86-N, 86-P,
86-Q, 86-R, 86-S, 86-T, y
98-G.

Adresnan na Gasparito

ta 1, 1-B, 1-C, 1-E, 3, 3-F,
3-J, 3-K, 3-L, 3-M, 5, 6,
9-H, 10, 10-B, 10-C, 10-D,
10-G, 11-B, 11-E, 12,
12-C, 12-D, 12-E, 13, 14,
16, 17, 17-B, 17-C, 17-D,
17-F, 18, y 20-B.

Adresnan na Keito ta 1,
3-B, 3-C, 3-D, 5, 6, 7, 7-B,
7-D, 7-E, 7-F, 7-G, 7-H,
7-J, 7-M, 7-N, 7-Q, 8, 8-B,
8-C, 8-D, 8-E, 8-F, 8-G,
8-H, 10, 10-B, 11, 11-B,
11-D, 12, 12-H, 13, 13-A,
13-B, 13-D, 14, 14-A, 15,
15-A, 15-B, 16, 16-F, 16-G,
16-H, 16-J, 17, 17-A, 18,
20, 20-A, 22, y 23.

Adresnan na Koyari ta:
1, 1-C, 1-D, 2-C, 2-D, 3,
4, 4-B, 4-F, 6, 7, 7-C, 7-D,
7-E, 8, 10, 10-A, 10-C, 11,
12, 13, 13-B, 13-D, 14,
14-A, 14-B, 15, 16, 16-B,
16-E, 17, 17-A, 18, 18-A,
18-C, 18-D, 19, 20, 21, 22,
23, 24, 24-A, 24-B, 24-C,
24-D, 25, 25-A, 25-C, 27,
27-A, 27-D, 28, 28-D,
28-E, 28-F, 29, 29-B, 30-C,
31, 31-A, 31-B, 32, 32-B,
33-A, 33-C, 33-D, 33-E,
33-F, 34, 35, 35-A, 35-E,
35-F, 35-G, 36, 36-A,
36-B, 36-C, 37-B, 37-C,
37-D, 38, 38-N, 39, 40, 42,
43-C, 43-D, 44, 46, 48, 50,
y 51.

Adresnan na Palm Beach
ta 25, 25-B, 25-C, 25-D,
27, 27-A, 29, 29-A, y 31.

Adresnan na San Miguel

ta 2, 6, 7, 7-B, 7-C, 8, 8-B,
8-C, 8-F, 8-G, 8-J, 8-K,
8-R, 8-S, 8-W, 8-X, 8-Y, 9,
10, 10-C, 11-C, 12, 12-B,
12-C, 12-D, 13, 13-A, 14,
14-A, 14-B, 14-C, 14-E,
14-F, 14-G, 14-I, 14-J, 15,
16, 16-A, 16-B, 17, 19,
20, 25, 26, 27, 28, 28-B,
28-E, 28-H, 28-I, 28-J,
28-K, 28-Q, 28-S, 28-T,
28-U, 28-W, 28-X, 29, 30,
31, 35, 36, 37, 37-B, 37-C,
37-D, 37-E, 39, 40, 42, 48,
50, 51, 52, 54-H, 55, 55-B,
55-C, 55-E, 55-F, 55-G,
56, 56-B, 56-C, 56-D,
56-F, 56-G, 57, 57-A,

57-B, 57-C, 57-D, 57-E,
57-F, 57-G, 57-H, 57-J, 58,
58-A, 58-B, 58-C, 58-D,
58-F, 58-G, 58-H, 58-J, 59,
59-A, 59-B, 59-C, 59-D,
59-G, 59-J, y 59-K.

Adresnan na Washing-
ton ta 1, 1-B, 3, 4, 6, 6-B,
8, 8-B, 8-C, 9-D, 9-E, 10,
10-B, 12, 12-B, 13, 14, 16,
17-A, 18, 18-A, 22, 23,
25, 26, 27, 27-A, 27-B,
28, 29-D, 29-E, 29-F, 30,
33, 34, 34-A, 34-D, 34-E,
35, 37, 37-B, 37-C, 37-D,
37-E, 37-F, 39, 39-A, 39-B,
39-C, 39-D, 39-E, 39-H,
40, 41, 41-A, 41-B, 41-C,

41-D, 41-E, 41-F, 41-H,
41-J, 41-K, 41-M, 41-N,
41-P, 43, 43-A, 43-B, 45,
45-A, 46-G, 46-H, 47,
47-A, 47-B, 49, 49-A,
49-C, 50, 51, 52, 52-A,
52-B, 52-C, 53-A, 53-B,
53-C, 53-D, 54, 54-A,
54-B, 54-C, 54-D, 54-E,
54-F, 54-G, 54-H, 54-J,
54-K, 55, 56, 57-C, 57-D,
57-E, 57-F, 58, 58-A, 58-B,
58-C, 58-D, 59, 59-A, 60,
61, 67, 68, 69, 70, 70-B,
72, 74, 74-A, 74-B, 74-C,
74-D, 74-E, 76, 76-B,
76-C, 76-D, 76-E, 78, 80,
82, 82-A, y 84.

Casonan Penal pa wordo trata den Corte di Husticia na Aruba



Casonan di Diahuebs 3 April 2025

Horario	Sospechoso	Acto Castigable
8:15 am	O.B.S.	Sentencia den caso di ex-Ministro.
8:30 am	J.G.K.	Sospechoso K. ta wordo acusa di ladroncia cometi riba 16 di Februari 2024 y 11 di Juli 2024.
10:00 am	I.E.T.	Sospechoso T. ta wordo acusa di comete maltrato riba e fecha di 20 di Juni 2024.
10:30 am	J.K.B.	Sospechoso femenino B. ta wordo acusa di maltrato cu arma y destruccion riba 27 di September 2024.
10:50 am	D.B.R.	Sospechoso femenino R. ta wordo acusa di importacion di cocaina y marihuana riba 5 di September 2024.
11:00 am	D.A.R.V.	Sospechoso R.V. ta wordo acusa di a viola ley di droga riba 10 di Februari 2025.
11:50 am	J.J.M.	Sospechoso M. ta presenta dilanti Huez pa su caso. Detaye di e caso no a ser duna.
1:30 pm	A.Z.L.	Sospechoso L. ta wordo acusa di a maltrata un persona cu un arma (un martiu) riba 2 di Septemeber 2023, door di dal'e cu e martiu na su cara y cabez. E ta wordo acusa di, conhuntamente cu otro of otro- nan, ladroncia di biganan riba prome di Juli 2024.
2:05 pm	W.R.T.	Sospechoso T. ta wordo acusa di a maltrata un persona riba 24 di Februari 2024, door di bent'e varios biaha na suela, y a dal e cu sla varios biaha na su curpa.
2:30 pm	Y.A.C.U.	Sospechoso C.U. ta wordo acusa di ladroncia di un Scooter riba 26 di December 2022.
3:00 pm	J.P.B.	Sospechoso B. ta wordo acusa di encubrimiento ('heling') di dos smartphone den e periodo di 22 pa 27 di Mei 2024.
3:30 pm	Y.E.T.	Sospechoso femenino T. ta wordo acusa di a maltrata un persona riba 3 di Augustus 2024, door di kap'e cu machete na su pia.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diahuebs 3 April 2025 den Sala di Corte di Husticia na Aruba. E info aki a wordo suministra door di Ministerio Publico.

Premier Mike Eman a ricibi su prome bishita



ORANJESTAD (AAN): E prome bishita oficial cu Mike Eman a ricibi como Prome Minister den e termino aki ta uno den cual el a constata cu e sentido di bon comun ta algo cu hopi den comunidad ta comparti.

Esey sigur ta e caso di Rotary Club of Aruba, hunto cu nan District Governor Debbie Roochand.

Aki por mira d.r.p.d. President Diego Acevedo, Sra. Roochand, Asst. Governor Frederick Nuboe y Secretaria Rebecca Maduro. Na final, Prome Ministro Eman a gradici nan, a desea nan hopi suerte, y a manda bisa danki pa e bon trabou pa Aruba.



Vocero di BCI, Maikel Gomes ta invita pueblo pa probecha:

Diasabra 5 di April tin ultimo baki den bario pa e temporada aki

ORANJESTAD (AAN): Diasabra 5 di April proximo, ta bolbe tin “Baki den Bario” na Barcad-
era. E vocero di Bureau City Inspector, Maikel Gomes, den entrevista cu DIARIO a invita pueblo en general, pa probecha e oportunidad aki, den su ultimo temporada y bin deposita tur nan sushi, na Barcad-
era, te proximo aviso.

E interes den pueblo ta halto. Gomes a BCI ta haya hopi yamada via Fixi y via telefon, hopi hende ta puntra na unda baki den bario ta tuma lug-
a y ki dia.

“Pero tur informacion ta pasa na radio y via nos facebook. Mi ta kere cu pueblo ta na haltura, y mi ta haci un yamada atrobe na pueblo di Aruba pa probecha di e oportunidad aki. Bin soluciona



loke boso tin, envez di bay tira e sushinan den mondi”, Maikel Gomes a remarca.

El a subraya cu BCI ta

concientiza pueblo, pero “e ta keda na cada ken, na cada cual”, el a expresa. Esaki den sentido cu nan ta haya melding cu sushi

a wordo tira na tal lugar, nan ta bay haci limpi pero su mainta siguiente atrobe mesun situacion. E ultimo biahanan cu ta-

bata tin baki den bario, nan hasta a rek e ora te traimerdia 1’or y hopi hende mes a bin trece nan desperdicionan, pues e interes tey sigur.

“Awo cu nos sinta cu e minister nobo nos tin wak ki plannan e tin, y di mi parti mi lo pidi pa rek e oranan. A bin tambe e peticion pa cambia e dia envez di Diasabra hacia Diadomingo, y esey tambe lo mi trece padilanti ora cu nos sinta cu Minister Presidente, pa wak si nos por pone un biaha Diasabra y e siguiente Diadomingo. Esun cu no por, Diasabra, por tir’e Diadomingo”, Maikel Gomes a indica.

E tipo di sushi cu hende por benta aki ta practicamente tur cos. Palo, mata, azeta di cuminda, hero, artefactonan electrico etc.

Delicioso sopi a wordo bendi pa esnan di Iron Order Bike Club



ORANJESTAD (AAN): E ta algo cu nan a organiza pa por haya fondo pa prepara otro gran evento. Y e biaha aki, Iron Order Bike Club a orgniza un fenomenal 'Soup Sale'.

Bendemento di delicioso sopi cu a atrae hopi cumprado, y cu sonrisa esnan di Iron Order Bike Club tabata sirbi esaki na cli-
entenan.

Sin duda alguno, e bendemento aki na publico ta yuda cubri e gastonan cu lo bay tin, especificamente pa nan siguiente 'Ride'. Aki por mira algun cara feliz durante e dia exitoso aki. DIARIO ta desea Iron order Bike Club tur clase di exito.



Momento special pa pueblo educa su mes pa haya sa mas tocante Autismo

ORANJESTAD (AAN): Riba dia 2 di April, e dia cu Nacionnan Uni a declara Dia Mundial riba conscientisacion di Autismo, ta un momento special pa reflexiona.

Riba e dia aki, rond mundo ta cende luz blauw riba casnan, monumentonan, edificionan of cualkier otro punto di referencia pa enfoca atencion riba personanan cu tin Autismo. Tur esey ta yuda stimula e aceptacion y sosten na e personanan cu e trastorno den e Spectrum di Autismo (ASD).

Segun estadisticanan mundial di cada 1.000 persona, como 5 ta cay den e Spectrum di Autismo. Ta hopi importante pa comunidad educa nos mes, pa asina nos por reconoce e personanan cu ASD for di tempran, pa nos por yudanan pa nan tambe por funciona na cas, na school y na trabao. Ya cu e personanan aki tambe tin mesun derecho cu cualkier otro ciudadano.

E trabao ta sigui pa asina

SIGNS TO CHECK IF CHILD ON AUTISM SPECTRUM

- not point at objects to show interest**
(for example, not point at an airplane flying over)
- not look at objects when another person points at them**
- have trouble relating to others or not have an interest in other people at all**
- avoid eye contact and want to be alone**
- have trouble understanding other people's feelings or talking about their own feelings**
- prefer not to be held or cuddled, or might cuddle only when they want to**
- appear to be unaware when people talk to them, but respond to other sounds**
- be very interested in people, but not know how to talk, play, or relate to them**
- repeat or echo words or phrases said to them, or repeat words or phrases in place of normal language**
- have trouble expressing their needs using typical words or motions**
- not play "pretend" games**
(for example, not pretend to "feed" a doll)
- repeat actions over and over again**
- have trouble adapting when a routine changes**
- have unusual reactions to the way things smell, taste, look, feel, or sound**
- lose skills they once had**
(for example, stop saying words they were using)

yuda conscientisa y educa comunidad pa cu Autismo. Ban acepta, educa y sostiene e personanan den Spectrum di Autismo pa nan tambe por funciona den nos comunidad, e mandatorio a termina bisando.



#reaccion

Carta Habri na Procurador General di Aruba

Dear Attorney General Amalin Flanegin,

On March 31st, 2025, at approximately 2:42 pm, I visited the Public Ministry office, intending to conduct official business, only to be abruptly halted by your security personnel, who informed me that I was prohibited from entering.

To my shock and dismay, I was told I have been banned from this public institution due to actions attributed by your office, actions that have, without question, involved the unlawful seizure of millions of Dollars from me, including a sum of \$280,516.85 in cash.

Let me be perfectly clear: Your office has engaged in theft of the most blatant and criminal kind. The misconduct that I have endured is already egregious enough, but now I am subjected to the indignity of being denied access to a public facility, a further affront to my dignity and rights.

It is unfathomable that I, as a law-abiding citizen, am now unable to obtain any information or clarification regarding the illegal appropriation of my funds and other information I deemed necessary.

To be forced to conduct official business in such a demeaning manner, on the sidewalk, attended to by security staff, no less, is a further disgrace and an insult to my status as a taxpaying resident of this Island.

This letter serves as a formal demand: I insist on being treated with the respect and civility I am entitled to.

I demand the immediate rectification of this outrageous injustice, and I will not tolerate being subjected to further mistreatment.

You and your office must address this matter without delay. I expect nothing less than the full restoration of my rights and the immediate cessation of these unlawful practices.

Sincerely,
Eduardo A.A. Mathew.

Carlos Bermudez di AVP contento cu pensionadonan lo ricibi un reparatietoeslag di 250 florin



ORANJESTAD (AAN): Despues cu e ministernan a huramenta diabierna mainta, e Gabinete a sali na presenta, durante e reunion publico diabierna merdia,

un nota di cambio y despues di e aprobacion di e presupuesto 2025, e Gabinete no a perde tempo.

A cuminsa dialuna mainta cu un limpiesa rond di Juliana- y Reina Beatrix school.

Diabierna anochi pa diasabra marduga ya pueblo di Aruba por a sinti un aire fresco di cambio cu ta supla riba nos dushi isla.

Diarason, 2 di april 2025, Gabinete AVP-FUTURO ta marca un logro significativo - un cu ta beneficia nos



grandinan directamente. Nos ciudadanonan di edad avansa, TUR nos pensionado cu ta depende di asistencia financiero pa cumpli cu nan obligacionnan mensual y mantene un bida digno, awor lo ricibi un reparatietoeslag di 250 florin entrante 1 mei benidero. Un prome paso pa un seguridad financiero mas grandi.

Un palabra di pabien na nos grandinan y na Gabinete AVP-FUTURO pa e iniciativa significativo aki. Banda di e reparatietoeslag lo introduci un descuento di 10 cen pa liter riba productonan petrolero. Cada Gabinete tin su maneho di gobernacion, y Gabinete AVP-FUTURO a compromete

pa haci cambianan necesario pa trece un alivio real pa e pueblo di Aruba. Nos comunidad merece progreso -- un cu ta garantisar bienestar financiero banda di e crecimiento economico di e pais.

For di Parlamento, mi lo sigui vigila e accionnan di Gabinete AVP-FUTURO cu un wowo skerpi y vigilante.

Minister Geoffrey Wever tene su prome reunion cu Departamento di Finansa



ORANJESTAD (AAN): Minister di Finansa, Economia y Sector Primario, Geoffrey Wever, a tene su prome reunion oficial cu Departamento di Finansa. E reunion ta parti di e esfuerso pa yega na un comprension profundo di e reto, prioridadnan y meta principal di finanzas publico pa Gabinete AVP-Futuro.

Durante e encuentro, a worde trata varios topiconan clave relaciona cu maneho di presupuesto nacional y aspectonan fiscal pa futuro. Departamento di Finansa tin e rol crucial cu den promove sostenibilidad financiero pa gobierno di Aruba. Minister Wever a expresa su balaracion pa e trabao tecnico y dedicacion cu e ekipo ta demostra, y a subraya e importancia di un colaboracion estricto entre e ministerionan y Departamento di Finansa pa logra resultado concreto.

Presupuesto 2026: Mesora a cuminsa enfoca riba e presupuesto 2026, pa logra trece e cambianan necesario aden, y encamina e proceso pa entrega e presupuesto na tempo y trata esaki den Parlamento.

“Un maneho responsabel di finansa publico ta fundamental si nos kier crea e espacio financiero pa por inverti back den comunidad traha riba un futuro sostenibel y prospero pa tur ciudadano,” Minister Wever a destaca.

Ministro Wever lo sigui cu un serie di reunionnan cu otro departamentonan y entidad relevante di control den e prome simannan di su nombracion como ministro di finansa, economia y sector primario, pa asegura un enfoca integral y coordina riba e temanan economico y financiero structural cu tin impacto riba bida di e pueblo Arubiano.

Colegio San Antonio MAVO a gana prome Campeonato di Kickball



ORANJESTAD (AAN): Den fin di siman cu a pasa, a tuma lugar e prome Campeonato di Kickball entre Scolnan MAVO di SKOA, y tambe SKOA Bureau. E ta un torneo cu a wordo organiza door di Colegio San Antonio MAVO na Santa Cruz.

E actividad aki a tuma lugar na veld di Flatstone na Piedra

Plat. Y e gran noticia ta cu e docentenan di Colegio San Antonio mes a titula campeon den e prome campeonato Softball entre scol MAVO di SKOA y SKOA Bureau!

E team di Sub-campeon a titula Colegio San Augustin.

Esnan di Colegio San Antonio ta manda un danki na tur scol cu a participa: La Salle

College Mavo, Maria College Mavo, Filomena College Mavo como tambe SKOA Bureau! Danki na e patrocinadornan Delta Blue, Dyon Center, Office System, Setar, Oduber Agencies, Tropical Bottling Company y Botica Dakota. Danki na docentenan Schwengle, Wout, Silberie y Giel pa e organisacion.

Xiomara Maduro durante tratamiento di Presupuesto 2025:

Cambio fiscal pa baha loonbelasting pa beneficia Pueblo ta legal

ORANJESTAD (AAN): Den su discurso na final di e tratamiento di Presupuesto 2025, Minister Gerlien Croes a lansa un acusacion falso contra ex Minister di Finansa y awo Parlamentario Xiomara Maduro. Segun Gerlien, e cambio fiscal cu ex Minister Maduro a haci pa baha loonbelasting tabata contra ley, y pesey e hecho cu Parlamento di Aruba ta aproba e Presupuesto 2025 na forma unanime, lo yuda pa ‘scapa Xiomara’, ya cu ta legalisa e desicion contra ley tuma pa e ex mandatario di finansa.

Pa contradeci e acusacion falso aki, Parlamentario y ex Minister di Finansa Xiomara Maduro den un punto di orden a splica cu e cambio fiscal haci ta legal.

El a splica cu pa ley e Minister di Finansa via un Decreto Ministerial por haci cambio den tarifa y esey ta locual corectamente el a haci tambe pa beneficia un



gran parti di e Pueblo trahado cu ta paga belasting.

Parlamentario Xiomara ta haya lamentabel cu Minister Gerlien como un hurista di profesion, ta lansa acusacion infunda asina sin lesa y compronde kico ley ta stipula. Di e manera aki Gerlien como mandatario y hurista ta ‘perde cara’ como un profesional y ta muestra mas manera un hende no educa cu ta djis lansa mentira pa haya aco-hida.

Parlamentario Maduro ta di opinion cu si

Minister Gerlien no tabata desea pa e clase media di Aruba haya un alivio fiscal, e mester a tuma e corahe di pidi su colega Wever di Finansa pa cambia e desicion. Algo cu cualkier mandatario na tino no lo haci. Sinembargo tabata tristo si pa mira cu ningun di Gerlien su colega ministernan cu ta hurista, Wever, Eman y Dowers, no a purba sikiera pa scapa Gerlien di ‘perde cara’ lansando acusacion sin base contra ex Minister di Finansa Maduro.

Inleiding

De minister belast met Financiën kan bij ministeriële regeling op basis van artikel 25, derde en vierde lid, van de Landsverordening inkomstenbelasting de bedragen van de inkomstenbelastingtabel en het bedrag van de belastingvrije som, doen vervangen aan het begin van het kalenderjaar.

Pagina 2

Afkondigingsblad van Aruba 2025 no. 1

DE MINISTER VAN
FINANCIËN EN CULTUUR

In overweging genomen hebbende:

- dat het wenselijk is om in verband met de koopkrachtondersteuning voor het kalenderjaar 2025 het besteedbaar inkomen van de belastingplichtigen te versterken;
- dat het in dit kader ook wenselijk is om de inkomensbedragen opnieuw vast te stellen ten behoeve van de door belastingplichtigen verschuldigde inkomstenbelasting te verlagen;

Gelet op:

artikel 25, derde lid, van de Landsverordening inkomstenbelasting;

HEEFT BESLOTEN:

Artikel 1

De belastingtabel behorende bij artikel 24, eerste lid, van de Landsverordening inkomstenbelasting wordt voor het kalenderjaar 2025 vervangen door de tabel opgenomen in de bijlage bij deze regeling.

Artikel 2

1. Deze regeling treedt in werking met ingang van de dag na die van haar plaatsing in het Afkondigingsblad van Aruba en werkt terug tot en met 1 januari 2025.
2. Zij kan worden aangehaald als: Regeling inkomstenbelastingtabel 2025.

X.J. Maduro

Ministro Geoffrey Wever:

SVb a ricibi apoderacion oficial pa aumenta e reparatietoeslag pa pensionado cu 250 Florin

ORANJESTAD (AAN): Diaranson mainta ministro Geoffrey Wever conhuntamente cu coleganan ministro di Gabinete AVP-Futuro, Sr. Mike Eman, Sra. Gerlien Croes, Sra. Mervin Wyatt-Ras y Sr. Wendrick Cicilia a haci entrega oficial di e decision di Consejo di Minister, cual ta autorisa SVb pa aumenta e reparatietoeslag pa tur pensionado cu AFL 250,- riba nan cuenta mensual, desde 1 di mei 2025. Ricibi pa director di SVB, Sr. Edwin Jacobs, el a declara cu esaki lo wordo implementa “a pia de la letra”.

Ministro Geoffrey Wever satisfecho cu esfuerso di trabou ta duna resultado inmediato.

Segun Ministro di

Finansa, Economia y Sector Primario, Geoffrey Wever, “esaki ta un alivio importante y na ora pa nos grandinan”. El a expresa su gratitud na e tur coleganan cu a haci un esfuerso extraordinario pa e gabinete por a logra presenta e cambionan necesario den e presupuesto cual a sirbi como fundeshi pa por logra e paso importante aki.

“E cambio den presupuesto 2025 no tabata facil, pero danki na e trabou tecnico y dedicacion di nos ekipo, nos por a logra un manera di duna e pueblo un aumento real sin sali foi e cuadro financiero responsabel. Un surplus no ta di ningun gabinete, ni di ningun partido; e ta di e pueblo cu ta traha duro y paga belasting.”

Ministro Wever a declara firmemente.

Ministro Geoffrey Wever a reitera cu gobierno di Aruba ta compromete pa sigui traha riba solucionnan cu tin impacto directo riba e bienestar di e pueblo Arubiano. E paso aki ta solamente e comienso di un enfoke integral y sostenibel pa mehora e poder di compra di nos comunidad.



San Nicolas awor tambe tin su Huisartsenpost (HAP)



Parlamentario Evelyn Wever-Croes:
**Danki pa duna nos hendenan cu autismo
mas atencion y oportunidad**

ORANJESTAD (AAN): Diamars mainta a tuma lugar apertura di Huisartsenpost (HAP) na ImSan.

Durante un conferencia di prensa director di ImSan Joel Rajnherc a trece dilanti cu e dia tabata uno di celebra cu despues di hopi aña y hopi reto, toch a yega na establece un HAP na San Nicolas, na ImSan.

“Mi no ta bay den detaye, pero mi ta gradici tur e stakeholders pa haci esaki bira un realidad”.

Na prome lugar nos tin cu duna masha danki na e miembronan di AZV cu toch di tur manera a stimula pa esaki tuma lugar.

Di dos nos tin cu gradici HAVA, cu ta eherce e ofishi na HAP y di tres nos ta gradici cuida primario cu a yuda percura cu e grupo di asistentenan cu lo yuda trahando lo wordo bon guia, segun Rajnherc.

Dr. Joaquin van Trikt tambe a hiba palabra y a bisa cu a



sinta cu AZV pa basta tempo papiando riba diferente ley y despues a logra di cera un convenio pa lanta un asina yama ‘zorginstelling’ cu ta cay bao di ‘eerste lijn’ y ta wordo maneha pa docternan di cas.

Awor cu tur cos a wordo regla debidamente, por a habri e HAP.

Director di AZV Edwin Jacobs na su turno a bisa cu AZV ta sumamente contento cu e logro aki, despues di haci hopi esfuerzo durante añanan largo.

“Ta bunita pa wak con a

pone tur e schoudernan hunto pa loke ta e retonan, pa awor porfin logra habri e huisartsenpost na ImSan”.

Cu e HAP nos ta bay percura pa continuidad pa cuida di docternan di cas, despues di oranan normal di trabao di docternan di cas.

Esaki ta conta tambe pa dianan di fiesta, segun Jacobs.

E HAP na ImSan ta bay yuda baha e presion di HAP na Horacio Oduber Hospital y tambe di Spoedeisende Hulp, segun e director di AZV.

Durante e conferencia di prensa minister di Salubridad Mervin Wyatt Ras a expresa palabranan di pabien na tur esnan cu tabata involvi cu e logro grandi aki.

E mandatario di e gabinete nobo a sigui bisa cu e sa cu e curazon di Dr. Rajnherc y curazon di tur esnan cu ta trahando na ImSan y ta bay traha na HAP ta na e lugar corecto.



ORANJESTAD (AAN): Cada ser humano tin su habilidadnan cu e ta bon den dje. Hendenan cu autismo tambe. Ban busca e bon den cada hende, y encurash’e pa e ta mihor den esey, hasta si e ta total diferente na otronan. Ban haci un oracion special pa e mayornan y maestronan di muchanan autista, cual bida a ofrece nan e oportunidad di yuda transforma y optimalisa e habilidadnan di nos muchanan. Sigur, e no ta un encargo facil, pero ora e ta duna su fruto e ta algo masha bunita pa experiencia.

Sin e mayor, maestro y maestra dedica aki, e futuro di e mucha lo ta scur. Debi na e extra esfuerzo y amor di e mayornan y maestronan, nos muchanan autista tin un oportunidad. Ta tuma calidadnan hopi especial pa por cuida y guia muchanan special, ademas di hopi dedicacion y pasenshi, y mas cu tur cos: hopi amor. Di curason DANKI!

Columna E Sembrado



BUSCA PALABRA

STRUCTURA

C B I Y M V Q M O T S I C R N X S N I D
A M Q C I P X V U P E S R G T E Y O V E
P X T I U K T R B M E R J C B V C I S P
I R G A K D N I E G J R I P B M C C J A
T P I E T V A O P O A Q A T T Z D A T R
A L F S L P L R C R L P K C O N Y S I T
N A X E U J E I T V F R R O I R W U H A
Q N F I S T G C D E T E C T A O I C L M
D E Z E K E N A R C S T E G V A N A N E
Y A O V T L J D E E R M K A O T O S L N
V X C A C Q R A N I T A Z V J T V J L T
M N R F K X D C P O D N A R T S U M L O
K T Q H M R I U A V A O I C H C R R C V
S B Q A I A L H R W N M C J C V S Y A O
N I C K L A Q N U A M Y F Y S F X N D Y
A O V B N Q M R N O T G U Q D Z I R F A
P H A T K B M O C U E N T A P C O E D Q
C E E X X I I P H L W K V Y P G R V S W
O N N I S C E Q Z A C I F F V U K B F Q
Q A M D A R R F E H P N Z H S B W Q F I
O M T L I K S S V H Q M T V A P M Q D E
X I E G N E Z R T L C M L R B I Z Z S E
N R S W U U N I D S B M C V J W N W Q K
R X A M F X P T C X T A T D R N C I T M
L O R T N O C Y E M D U S N L D H K F K
D F H I Y K K G B E V L Z W G F L G N N
I M D O U D Y B R S H V Z B J G Q P D F
G S G H K V Z A F T Y O Z Q U I Q C E E
O R G W U E L Y W N Y J V N F U B S S X
D G X Z O S R E U F S E P I M U Y A A W

ACUSACION
CONTROL
DETECTA
INTERCEPTA
OPERACION
RELACIONA
TRADUCI
BARCADERA
CUENTA
ESENCIAL
MANEHO
PENDIENTE
STRATEGICO
TRIPULANTE
CAPITAN
DEPARTAMENTO
ESFUERSO
MISTRANDO
PLANEA
TERITORIAL

Answer to previous puzzle

8	3	6	7	2	9	1	4	5
7	2	4	1	3	5	9	8	6
5	9	1	6	4	8	2	7	3
1	4	2	9	6	7	3	5	8
6	8	9	3	5	2	4	1	7
3	5	7	8	1	4	6	9	2
2	7	8	4	9	3	5	6	1
9	6	3	5	8	1	7	2	4
4	1	5	2	7	6	8	3	9

Difficulty Level ★

5/02

> SUDOKU <

Conceptis Sudoku

By Dave Green

3				6	4			5
		6	1			2		
				3				
7			6		3		8	
8		2				5		3
	9		7		5			4
				5				
		8			2	9		
9			8	7				6

Difficulty Level ★★

5/03

HARI UN TIKI

E yiu muhe chikito a yama su mama cu tin hende na porta “Mama, ta hende di banco”
E mama den cushina a contesta “Ta bon dushi, ya mi ta bay, sea amabel y ofrece un stoel pa e sinta.”
E yiu a contesta “Pero mama, e kier bay cu tur.”

©2022 Conceptis Puzzles, Dist. by King Features Syndicate, Inc.

©2022 Conceptis Puzzles, Dist. by King Features Syndicate, Inc.



RESULTADO DI SORTEONAN PA CORTESIA DI CADENA ALEXANDER

Diaranson 2 April 2025

 DIARIO	 KORSOU	SUPER 	 CATOCHI		 ZODIAC	
6157 8004 4589	1414 9578 6920	1059  SUPER 5 XXXXX	MERDIA 7484 1311 0599	ANOCHI 1592 8506 2449	M A	3865 PISCIS 1042 AGUARIO
LOTTO DI DIA 02-04-07-25-30						
 OFF		8029-6258	 BIG 4	M	8005	A 9905

MULTI-X MERDIA X2 CATOCHI ANOCHI X3 BIG 4 ANOCHI X2

LUCKY 3	MERDIA 461	MULTIPLIER X2	ANOCHI 689	MULTIPLIER X2	LUCKY 3
----------------	-------------------	----------------------	-------------------	----------------------	----------------

LOTTO

E LOTERIA DI ARUBA

— Resultado Diaranson 2 April 2025



1^{er} Premio: No tin ganador Jackpot

2^{do} Premio: No tin ganador Match 4+

3^{er} Premio: Tin 2 ganador Match 4

4^{to} Premio: Tin 214 ganador di Afl. 12,00

Joker
14

Proximo sorteo 5 April 2025
Afl. 4,00 pa ticket
AFL 260.000,00

1 Premio: 5 Bon

2 Premio: 4 Bon + Joker Por yama 583-4475 pa haya e resultado.

3 Premio: 4 Bon

4 Premio: 3 Bon

Letter ganador pa ticket gratis: **I**

A bay rescata turista cu a haya problema na Rooi Frances

ORANJESTAD (AAN): Riba Diamars, Central di Polis, y tambe Ambulance rumbo pa Rooi Frances, debi cu un turista cu a bay cana eyan, diripiente a haya problema y no por a cana mas.

Polis y Ambulance a yega basta rapido, y a bin compronde cu e caminata den Rooi Frances a dura bastante, y diripiente e turista a haya problema cu su lomba. E lo por ta problema cu nervio cu ta afecta funcionamiento di su pia.

E turista e momento ey ta



basta leu den mondi, pues tanto Polis y Ambulance a cana bastante pa yega na dje.

Finalmente nan a sali une for di e mondi na Rooi Frances, y asina hink'e den Ambulance y bay cune rumbo pa Hospital pa nan haci test cune.



REGISTRO DI TEMPERATURA Y CUANTO AWACERO A YOBE ROND DI ARUBA

For di DIAMARS 8'or mainta te DIARANSON 8'or mainta:

- Temperatura registra na Aeropuerto, Aruba:
 - Maximo: **32° C.** Yobida: **0.0 mm.**
 - Minimo: **26° C.**
- Temperatura registra na Westpunt, Aruba:
 - Maximo: **32° C.** Yobida: **0.0 mm.**
 - Minimo: **26° C.**
- Temperatura registra na Santa Rosa, Aruba:
 - Maximo: **32° C.** Yobida: **0.0 mm.**
 - Minimo: **26° C.**

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo nomber, adres, telefon, y firma di e remitente. Mester presenta cu un cedula of ID valido pa verifica e nomber y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo nomber worde menciona como remitente!

(Atencion: Ora cu bo no kier pone bo nomber bao di un remitido, anto automaticamente den e texto bo **NO POR** menciona nomber di hende of entidad). Remitidonan manda via E-Mail mester tin nomber completo di e remitente, tambe su adres, telefon y firma pa asina e worde verifica prome cu publicacion. Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2025 Matutino DIARIO


COPYRIGHT: Nada den DIARIO mag di worde copia sin permiso di Agencia Arubano di Noticia.

ALMANAC



Bahada y salida di solo na Aruba

— 3 April 2025
Solo ta baha: 6:52 p.m.
— 4 April 2025
Solo ta sali: 6:35 a.m.



Lista di Crusero di bishita na Aruba

—Diahuebs 3 Apr 2025:
AIDAbella:
(08:00 - 18:00)
Norwegian Jewel:
(10:30 - 20:30)
—Diabierna 4 Apr 2025:
Norwegian Pearl:
(10:00 - 22:00)
—Diasabra 5 Apr 2025:
Explorer of the Seas:
(16:30 until Sun 6th)

EMERGENCIA NA ARUBA

Diahuebs 3 April 2025

DOCTER NA WARDA

SAN NICOLAS:

Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi.

ORANJESTAD:

Pa Oranjestad, Docter lo ta na Huisartsenpost na Hospital. Docter tey di 6:30 pm te cu 10:30 pm.

BOTICA NA WARDA

PARIBA DI BRUG:

Botica 4 Centro Medico
Bernhardstraat 55
Telefon 584-5794
Telefon: 584-5798

PABAO DI BRUG:

Botica Eagle
Caya Punta Brabo 17
Telefon 587-9011

e-CONTACT DIARIO

E-mail Redaccion:
noticia@diario.aw
E-mail Avisos:
aviso@diario.aw

E-mail Deporte:
deporte@diario.aw
E-mail Asunto Funeral:
morto@diario.aw

DIARIO

Loke Tempo ta Mostra....



• E area di presion halto lo sigui extende den Caribe, y ta anticipa continuacion di tempo relativamente stabil den region. Toch algun nubia por pasa de vez en cuando riba e isla, pero no ta pre-mira cu nan lo ocasiona un tempo significante.

• Biento lo ta suplando modera di pariba entre 12 y 39 km/h, cu rafaga te 50 km/h. Lama ta poco bruto cu ola entre 3 y 6 pia.



PRIJS: 2 Florin ehemplar
ABONO: 40 Florin pa luna

EDITOR

Agencia Arubano di Noticia

FUNDADOR

† Jossey M. Mansur

DIRECTOR NAN

Eduardo Mansur

Luis M. Mansur

Damilice Mansur

REDACTOR Coordinativo

Aureen Werleman

REDACTOR Ehecutivo

Nilton Laclé

Yorleny Oduber-Quesada

Tania Cunha

REDACTOR

Mercedes Abdul-Hamid

Giovanni Lane

REPORTERO

Hubert Tiel

AVISOS Y ARTE

Franklin Peña (Hefe)

Susy Maduro (Project Manager)

Miguel Garcia

Glenn Gonzaga

Robert Simoons

ADMINISTRACION

Freddy Barreto (hefe di personal)

RECEPCIONISTA

Vivian Maduro

LAYOUT

Alex Croes

Ricardo Jimenez

IMPRESION

William Quiceno

Raul Valencia

ADRES

DIARIO N.V.
www.diario.aw

Miembro di:
Sociedad Interamericana de Prensa

Email: **noticia@diario.aw**
Engelandstraat 29, Aruba.
P.O. Box 577, P.O. Box 695

Telefon: +(297) 582-6747
Whatsapp: +(297) 561-5325



DIARIO is Printed
on 100% Recycled Paper

Parlamentario Shailiny Tromp-Lee:

Tratamento di Presupuesto 2025 a demostra falta di compromiso pa bienestar di pais

ORANJESTAD (AAN): Ta un hilaridad cu AVP a sugerir durante tratamento di presupuesto 2025 cu ta algo historico cu Gabinete Croes-Eman a atende reunion pa trata presupuesto di pais Aruba direct despues di nan huramentacion. Manera cu ta algo grandi y “sobre humano”. P’ami sigur esaki no ta e caso.

Di dia 29 di augustus 2024 e presupuesto a keda entrega. Di dia 5 di februari nos a haya e Nota naar aanleiding van het verslag cual a haci e presupuesto cla pa trata, pero Presidente di Parlamento a dicidi pa yama e reunion pa atende cu Presupuesto di Pais Aruba te dia 7 di maart 2025. Pa nos sorpresa e reunion ta start

habri cu un show politico orkestra pa Futuro y AVP, presentando un amienda y caminda e Presidente di Parlamento na un manera anti democratico ta dicidi pa manda e amienda pa conseho na instancianan concerni y djei ta schors e reunion sin tene cuenta cu parlamentarionan di oposicion. Asina un biaha mas ta alarga e proceso pa por yega na aprobacion di e Presupuesto di Gabinete Wever-Croes pa pais Aruba pa aña 2025.

Dia 17 di maart conseho di Caft a drenta na Parlamento y di RvA a drenta di dia 21 di maart. Dus di dialuna 24 di maart nos por a continua cu tratamiento di presupuesto pero un biaha mas agenda di partido ta bay riba bien-



tar general y negociacionnan pa forma un gobierno ta mas importante.

Pa mi ta hopi duidelijk cu e situacion cu nos a haya nos aden pa loke ta trata presupuesto di Pais Aruba ta refleha e realidad cu despues di eleccion di dia 6 di december 2024 nos tur a experiencia. Esta a tuma tempo pa celebra Pasco y Aña nobo, djei a start cu negociacionnan, esakinan desde un prin-

cipio no a cana smooth, djei hopi laat nan a inicia cu screening, cual tambe a tumanan hopi tempo pa keda cla y un eternidad pa nan a yega na nan plan di gobernacion y por a firma esaki. Durante reunion mi a indica cu ta nan propio decision di no laga Gabinete Wever-Croes mes defende nan presupuesto y djei huramenta. Ta nan decision y escogencianan ta loke a conduci cu a keda nos solamente dia 28 y 31 di maart pa trata e presupuesto pa aña 2025, mirando cu Gerlien no por perde cara y mester cumpli cu e fecha 31 di maart cu a keda “stipula” pa CAft y Rijksministerraad.

Nan decision sigur e debilita nan propio fraccionnan cu casi no a haci

pregunta y solamente por a felicita nan e ministernan cu nan nombracion, deseando nan exito y elogianan cu ya e mesun dia nan mester a bin defende e presupuesto di Gobierno di MEP-Raiz pa aña 2025. Mi persona sigur a keda hopi decepciona mirando cu hopi di e parlamentarionan nobo a indica cu nan meta ta pa eleva e debatenan den parlamento. Mirando cu presupuesto di Pais Aruba ta e ley mas importante cu nos ta trata como Parlamentario mi a spera hopi mas mirando cu ami nunca mas lo lubida nos prome reunion di presupuesto caminda a keda bisa cu nos tabata pio cu oposicion. Mi ta spera cu nan lo sa di ta critico y pone bienestar di nos pais na prome lugar.

E actor Val Kilmer cu a actua como Batman a fayece cu 65 aña



LOS ANGELES: E actor Val Kilmer, cu ta un di e grandinan di Hollywood y cu a sa di hunga rolnan a la perfeccion tanto como Batman y tambe Jim Morrison, a fayece Dia-mars na Los Angeles. E tin 65 aña di edad.

Causa di su morto ta pulmonia, segun su yiu muhe Mercedes Kilmer a laga sa. Por corda cu na 2014, Kilmer a wordo diagnostica cu cancer di garganta, pero despues a recupera y a keda liber di cancer.

E ta un homber di estatura halto, hopi guapo, y tin bia-

ha cu bo mir’e mesora bo ta pensa cu ta un Rock Star e ta. Ta conoci cu Val Kimer a actua como un ‘Rockero’ na hopi ocasion den pelicula na comienso di su carera.

El a hunga e rol a la perfeccion como Jim Morrison, e frontman di e grupo di rock ‘The Doors’, dirigi pa Oliver Stone na 1991.

Den henter su carera, Val Kilmer a laga atras un impresion cu esnan cu ta bay mira pelicula, y tambe cu e Directornan, esta cu bo no por pronostica kico e ta bay haci.

Tur ex-President di Camara di Comercio a brainstorm positivamente



ORANJESTAD (AAN): Recientemente tur e ex-Presidentnan di Camara di Comercio di Aruba tabata presente, pa asina KvK por a presenta nan progreso y nan vision pa 2025.

E tabata un sesion dinamico, yena di idea bal-

ioso, cu feedback yena cu experiencia, y ideanan inspirador.

E intercambio di conocimiento y perspectivanan a reafirma KvK su compromiso di duna forma na un sector di negoshi mas fuerte pa e añanan nos di-

lanti.

Camara di Comercio ta gradici tur e lidernan di pasado pa nan sabiduria y contribucion. Aki por mira nan ta pose pa un potret, pa cortesia di KvK.

DEPORTE INTERNACIONAL

Stuttgart a gana Leipzig pa pasa pa final di Copa di Alemania



ALEMANIA: Despues cu Diamars Arminia Bielefeld a sorprende tur hende door di elimina Bayer Leverkusen den e semi final di Copa di Alemania, Diaranzon VfB Stuttgart como faborito a gana RB Leipzig, pa pasa pa e final. Esey kiermen cu e final di e asina yama DFB Cup ta bay ta entre Stuttgart y Bielefeld. For di trempa caba Stuttgart a tuma e ventaha y na final nan a

gana e wega 3-1. E prime gol di Stuttgart a wordo anota pa Angelo Stiller den di 5 minuut caba, sigui pa e 2-0 anota pa Nick Woltermade den di 57 minuut. Leipzig a haya un tiki speranza ora cu den di 62 minuut Benjamin Sesko a anota e 2-1, pero pa segura e triunfo di Stuttgart, Jamie Leweling a anota e tercer gol den di 73 minuut.

Pirates a gana Rays 4-2



TAMPA BAY: E bataya entre dos pitcher talentoso Diaranzon, cu na final a wordo gana pa Paul Skenes. Esey ta nifica cu Pittsburgh Pirates a logra gana Tampa Bay Rays. Skenes den 7 inning a permiti apenas 3 hit, mientras cu e unico careda cu el a permiti tabata un careda sushi. En total el a poncha 6 bateador. Di otro banda, pitcher habridor di

Tampa Bay, Ryan Pepiot tambe tabata tin un basta bon actuacion. Den 5 inning el a permiti 5 hit incluyendo un homerun y 2 careda. El a permiti tambe 3 base por bola, mientras cu el a poncha 3 bateador. Mihor bateadornan pa Pirates tabata Oneil Cruz y Adam Frazier, cada un cu 2 hit den 4 turno. Un di e hitnan di Cruz tabata un homerun.

T-Wolves a gana Nuggets apesar di e 61 puntonan di Jokic



DENVER: Nickeil Alexander a anota dos tiro liber faltando 0.1 seconde y Minnesota Timberwolves a logra gana Denver Nuggets Diamars anochi 140-139, despues di dos overtime. E wega tabata uno cu hopi tension di comienzo te final y sigur den e parti final di e di dos overtime. Nikola Jokic tabata maximo anotador di Denver cu 61 punto, pero esaki no tabata suficiente pa logra

e triunfo. El a caba tambe cu 10 rebounds y 10 asistencia, mientras cu Aaron Gordon a contribui cu 30 punto, 8 rebounds y 5 asistencia. Di otro banda, maximo anotador pa Minnesota tabata Anthony Edwards cu 34 punto, 10 rebounds y 8 asistencia, mientras cu Julius Randle a termina cu 26 punto, 9 rebounds y 7 asistencia.

Padres a firma un prolongacion di contrato cu Merrill di 9 año na balor di 135 milyon dollar



SAN DIEGO: San Diego Padres a percura pa wanta Jackson Merrill pa un tempo largo cu e club. Padres y e hungador All Star di outfield di 21 año a bay di acuerdo pa firma un prolongacion di contrato di 9 año, na balor di 135 milyon dollar. for the long run.


E club a anuncia Diaranzon cu e contrato nobo ta cuminsa na 2026 y ta inclui un opcion di club pa 2035. E contrato tin un balor di 135 milyon dollar garantiza, pero e por yega 204 milyon dollar. Den 156 wega año pasa pa Padres Merrill a caba cu 24 homerun, 90 careda impulsa y 16 base roba. E temporada aki e strea hoben ta sigui riba un bon racha, cu un average di bateo di .400 y un promedio di yega base di .435 y ta lider di su ekipo cu 6 careda impulsa.



Noticianan for di Hulanda

Mega red di pornografia infantil desmantela

A haya 6288 ora na video y 39 mucha a wordo salba



HULANDA: polis Hulandes a ayuda desmantela un di e rednan di pornografia infantil mas grandi den historia. Riba 'Kidflix' alrededor di 1.8 usuario por a wak 91.000 video, den cual bo por a wak con personanan tabata abusa sexualmente di muchanan.

E site mientrastanto ta offline. Den 35 pais rond mundo na mitad di luna di Maart, tabata tin detencionnan y listramento di cas cu a tuma lugar, Europol a duna di conoce Diaranzon. En total actualmente tin 79 sospechoso de-

teni. No ta trata solamente di hendenan cu tabata comparti e videonan horroroso aki, sino tambe personanan cu tabata produci pornografia di mucha. Tin tambe 1400 sospechoso mas cu a wordo identifica.

OM a exige trabao comunitario como castigo pa automobilista cu a core dal den publico riba Dia di Rey



HULANDA: Ministerio Publico Diaranzon a exige 150 ora di trabao comunitario y un multa di 500 euro contra un automobilista di Zaandam di 22 aña. E chauffeur aki aña pasa riba Dia di Rey a dal den un grupo grandi di hende cu su auto riba Prinsengracht na Amsterdam, unda cu diferente persona a resulta herida. OM su acusacion oficial contra Abdüssamed E. ta cu el a causa e accidente, intento di maltrato severo y core bay for di e sitio despues di e accidente.

Den sala di corte e acusado a pidi su disculpa y a splica cu el a cay den panico ora cu el a wak cuanto hende tabata riba caya. El a splica cu nan tabata dal riba su auto cu nan celular y tabata tin hende ta scop su auto. "Mi djis kier a core bay cas", segun e acusado. Den corte a pasa e video di locual a sosode riba Dia di Rey, unda cu e auto a dal diferente persona. Riba 16 di April huzez ta duna su veredicto.

Tin un scarcedad hopi grandi di docter di cas na Hulanda

194.000 Hulandes no por haya un docter



HULANDA: Un di cada 20 Hulandes ta buscando un docter. E scarcedad di docter di cas na Hulanda ta hopi grandi mes y ta wordo verwacht cu e scarcedad aki ta bay sigui crece. Esaki segun un investigacion di Algemene Rekenkamer. Actualmente tin 194.000 persona na Hulanda cu no por haya un

docter di cas. Nan ta biba por ehempel den un barrio den cual un practica di docter di cas a stop. Banda di esaki ta wordo calcula cu 732 mil persona ta buscando un docter di cas nobo, pasobra nan no ta satisfecho cu nan docter actual, of door cu nan a bay biba otro caminda.

Politie na Breda cu buskeda den awa despues di tiramento na Oosterhout



BREDA: Diaranzon polis na Breda tabata busca den awa pa un obheto cu tin di haber cu un caso fatal di tiramento cu a tuma lugar na Oosterhout Diabierna. Esaki un vocero policial a confirm despues cu esaki a wordo reporta pa e corant regional BN DeStem. Ta buscando den e awa na de Lange Weide riba e frontera na Teteringen.

Mas prome na Espakker a haya un auto di escape cu a wordo uza. E vocero policial no kier a bisa kico ta locual tabata wordo busca, por ehempel si ta trata di un arma di candela. Den e tiramento Diabierna dos homber a perde nan bida, mientras cu un otro a resulta gravemente herida y ta bringando pa su bida.

NEW MOVIES FROM APRIL 3RD CHECK

THE MOVIES

PRINCIPAL RENAISSANCE

GLORIA
movies dining entertainment play



www.themoviesaruba.com
for the show times!

FREE ENTRANCE when buying Combo 1



A MINECRAFT MOVIE



BLACK BAG



UEFA Championship League

APRIL 8



ADOLESCENCE SERIES

APRIL 8 and 9

Exprodex cu guestnan di Hulanda:

RVO di Hulanda a bin duna informacion tocante oportunidadnan di subsidio pa exportadornan di Aruba

- Awe ultimo dia cu “1on1 meeting” cu Soelan Daal pa esnan cu ta cla pa exporta

ORANJESTAD (AAN) Señor Giacomo Pais, Policy Advisor” na Exprodex (Departamento Asuntonan Economico Aruba) a duna di conoce, den entrevista cu DIARIO, cu nan tin guestnan di RVO Hulanda (Rijksdienst Voor Ondernemend Nederland) cu a bin Aruba specialmente pa duna informacion tocante tur e oportunidadnan cu tin, encunto subsidio, vouchers, y informacion cu nan ta brinda na hendenan di Aruba, pa yuda nan exporta for di Aruba.

Pa tur e subsidionan aki por aplica door companianan existente na Aruba, anto nan por haci uso di esaki

p’asina yuda nan exporta. “Nantintambe informacion gratis. Tin un helpdesk cu ta señora Soelan Daal, cu ta na Aruba awe, y e ta semper habri pa duna informacion, haya yamada y video calls online, na tur hende di Aruba cu ta interesa na exporta y tur e oportunidadnan cu RVO ta duna hendenan di Aruba”, Giacomo Pais a señala. E dia aki tabata tin encuentro cu personanan di e sector di Agricultura, miembronan di Formers Uni, y Comerciantenan Uni (CUA) tambe, y cu profesionalnan hoben cu tambeta interesa den e tema aki. Diamars tambe tabata tin anochi informativo na



Surfside Marina, na unda cu señora Daal tambe a presenta y Minster di Economia y Finanzas Geoffrey Wever tambe a bin pa duna e discurso di apertura.

“Tabata tin cantidad di hende cu a presenta nan mes pa haya e informacionnan aki. E oportunidad aki tabata tremendo pa tur comerciante na Aruba, cu ta interesa pa exporta”,

Giacomo Pais a acentua. Diahuebs ta e ultimo dia, unda cu señora Daal lo tin un “one on one meeting” cu personanan cu ta cla pa exporta, pa adkiri mas informacion specifico.

Noticia Internacional

Pidi yudansa di emergencia pa Derechonan Humano

Ta bay existi na Nacionnan Uni interveni p'e presonan Venezolano



NEW YORK: Procurador General di Venezuela, esta Tarek William Saab a bisa cu e ta manda Diaranson mes un carta oficial pa High Commissioner di Nacionnan Uni pa Derechonan Humano, esta Voker Türk. Meta di esaki ta pa existi libertad di e migrantenan Venezolano cu a wordo deporta dor di Merca, y cu aworaki ta encarcela den prison na El Salvador.

Via di Nacionnan Uni, Venezuela ta tratando di haya un intervencion urgente, pa loke Caracas ta considera un 'detencion inhusto'.

E ta spera cu e yamada aki

por pone Voker Türk core convoca di forma urgente e paisnan miembro di Consejo di Derechonan Humano di Nacionnan Uni, pa bay debati riba e caso, cu na su opinion no por wordo ignora.

Procurador General a admi-

ti cu e carta pa High Commissioner ta pa eherce presion via di medionan legal disponibel tanto na Nacionnan Uni como na e paisnan involvi, pa libera mesora tur esnan cu ta deteni na El Salvador.

Awo Merca a anula visa di ex-president di Costa Rica

SAN JOSE: Gobierno di Donald Trump inespera a dicidi na anula e Visa di ex-president di Costa Rica, y ganador di Premio Nobel di Paz, esta Oscar Arias Sanchez, y el a bira un di e



tantisimo politico di Costa Rica kendenan diripiente Washington a anula nan Visa sin motibo oficial confirma.

Ex-President Oscar Arias a confirma na prensa local, cu el a ricibi un email den cual nan ta informe cu su Visa no ta valido mas, pero nan no a bis'e pakico esaki a socede.

Pero riba Social Media, Oscar Arias tabata hopi critico riba Gobierno di Donald Trump, special e forma cu el a atende e guerra entre Rusia y Ucrania, y tambe e posicion di e actual gobierno di Costa Rica dirigi door di Rodrigo Chaves relaciona cu e bishita na Februari di Secretario di Estado di Merca, esta Marco Rubio.

Despues di e bishita ey, diripiente Washington a anula Visa di diputadonan Francisco Nicolas, y legisladornan Johana Obando y Cynthia Córdoba tambe.

Candela a destrui 17 auto Tesla di dealer na Roma



ROMA: Un candela grandi a destrui 17 auto marca Tesla na un showroom riba caya Serracapriola na Roma. Esaki a socede Dialuna marduga.

Ningun persona a resulta herida, pero e vlamnan a afecta structura di e edificio unda e autonan aki tabata staciona. Polis a cuminsa cu un investigacion pa determina e causa di candela, studiando grabacionnan di Security Camera, y entrevistando doñonan di e showroom. Nan no ta descartar ningun hipotesis, incluyendo candela intencionalmente cendi eyan.

Siman pasa, algun hende a kima 12 stacion di Super Charger di Tesla na e parkinglot di un Supermarket na parti zuidoost di Francia. Rond mundo, tin hopi disgusto awor riba autonan Tesla, y ta varios destruccion y candela a wordo registra rond mundo.

INTERNACIONAL

NOTICIA FOR DI COLOMBIA

DIESSEIS STUDIANTE VENENA NA BARRANQUILLA

BARRANQUILLA: Autoridadnan di Salubridad Publico a cuminsa investiga un caso caminda 16 studiante



ante na sede di Sena na sector Las Cayenas na Barranquilla a resulta intoxica despues di a come mangelan cu un studiante a bin duna nan, y cu supuestamente ta contene Fentanyl. Ta un tata di e muchanan aki a haci denuncia. Segun oficialnan, nan ta haciendo investigacion pa aclarea loke a socede na e scol. Aworaki ya caba 13 di e studiantenan por a bandona Hospital ora cu nan a mira. Toch tin tres studiante ainda cu ta hospitaliza, y ta sperando resultado di examennan haci pa determina e causa di loke ta sigui pone nan keda malo riba cama. Tambe nan a papia cu e studiante cu a bay duna su amigonan algun mangel, y el a bisa cu esakinan el a cumpra na un cadena di supermarket.

ESCANDALO PA BENTA DI AWA NO-PURIFICA

BARRANQUILLA: Ministerio Publico hunto cu oficialnan di Segundo Brigada di Ehército, a pone man riba



cinco persona den centro di Barranquilla, pasobra nan tabata representa na forma falso un compania multinacional, y ta actua comosifueran ta bendiendo awa

potabel purifica. Nan cinco ta meti den un gang criminal, cu ta bende awa bao pretexto falso cu ta trata di awa trata of pasa via microfilter. Autoridad a tene tres razzia simultaneo, pa asina detene e sospechosonan aki. E gang aki ta conoci como 'Los Aguamanes', tabata usa tres adres pa yena boternan y bende awa cu no a ni pasa den 1 filter. Nan ta usa boternan bashi di awa di companianan di Coca-Cola y Postobón, pa yena nan cu awa di cranchi sin ningun clase di tratamiento. Nan ta tapa e boternan, hasta imprimi fecha di 'caduca', y despues nan ta subi caya cu uniform di e companianan aki haci comosifueran ta trahador di compania Coca-Cola of Postobón pa bende nan cu tienda, restaurant, etc.

ATRACO DEN BUS A CAUSA SPANTO Y PANICO

BOGOTA: Dialuna anochi pa 9:00 pm, riba Autopista Norte diripiente tres delincuente a atraca tur pasahero cu



tabata den un Bus intermunicipal moviendo di Bogota pa Zipaquirá. Esaki a socedenet ora nan a pasa dilanti Escuela de Ingenieros. Tres persona a stop e bus, actuando comosifueran ta pasahero. Pero ora di subi, nan a saca arma blanco y tambe arma di candela. Uno a keda para banda di e chauffeur, mientras e otronan a bay pasa paden atacando e pasaheronan. Nan a comete atraco riba 25 pasahero, bayendo cu nan tas, cartera, smartphone, placa cash, y demas articulo di balar. E atraco a socede rapido, y a stop e bus tiki mas dilanti, y a baha bek, y a desaparece den pida mondi banda di Autopista. E compania di Bus a pidi pa escolta Policial, mirando cu Semana Santa ta yegando cerca. Un security camera den e Bus a capta e atraco andando, y Polis tin tur tres cara bon nota.

Noticia Internacional

Paga pa bo bay bishita of pa e preso bay Hospital Hopi corrupcion den tur prison na San Salvador ta pone famia probecha



SAN SALVADOR: Na El Salvador tin regla estricto rond di Prisonnan. Esey ta cu ningun hende (ni famia of amigo) no mag di bishita un preso cu ta encarcela eynan. Pero awor un team di periodista investigativo, a descubri cu tin un sistema di corrupcion den cual tin abogado y wardadornan di preso meti, unda bo ta duna nan placa y nan ta “fix” pa bo por bay haci bishita cu realmente no ta permiti. Bo ta paga y bo mag di manda carta, of hasta haci yamada. Ta trata aki di un red cu ta

funciona via di ‘intermediarionan’ sea abogadonan particular of ex-presonan cu tin contacto cu wardadornan cu ta lagabo comunica cu un preso. E red ta probecha di e desesperacion di famianan cu no tin otro forma legal pa bishita nan ser keri cu ta den prison. Tin varios di nan cu prome cu haci bishita, nan no tabata ni sa si acaso e preso ta bibe ni si e ta ricibi paketenan cu nan ta manda p’e. E ta asina clandestino, cu no tin informacion publico riba nada, segun e relato cu a sali

awor den prensa. Algo cu a hala hopi atencion, ta cu bo por paga un cierto suma bao mesa, y nan ta pone cu e Preso lo wordo transporta pa un Hospital y wordo hospitaliza. Hasta si e no tin malesa ni si e ta malo. Pero a lo menos bo por bay Hospital y bay bishit’e. Awor cu tin hopi indicacion cu varios hende inocente a wordo manda door di Washington pa bay sinta den prison na El Salvador, e informe aki ta duna hopi famia e speranza di lo por bay papia cu nan ser keri pronto.

Muhe a purba habri porta di avion net cu nan ta bula mey-mey riba Oceano



JAKARTA: Un vuelo cu a sali algun minuut prome for di Bali na Indonesia rumbo pa Melbourne na Australia, a haya nan obliga na bira y baha bek na Bali, despues cu un di e pasaheronan a trata di forza e porta di avion, net ora cu nan ta bulando riba Oceano Indico. Ta trata di un Airbus A321-LR cu ta alerta pilotonan mesora ora un hende

ranca na e man di porta. Vuelo JQ34 di e aerolinea Lowcost di Australia, esta Jetstar a haye obliga na regresa na Aeropuerto Denpasar di Bali, ora cu un pasahero problematico a trata di habri un di e portanan di avion, y hiba un comportacion abusivo contra e miembronan di tripulacion. Ora di baha, Polisnan di Bali a yega y aresta e pasa-


hero y nan a bah’e di e avion. Testigonan a bisa cu e pasahero ta un muhe kende a logra hisa un palanca di e porta, y esaki a bati alarma den cockpit. E muhe tabata bisa tur hende cu e kier baha di avion, y pesey kier a habri e porta durante vuelo. Pasaheronan a keda disgusta pa su actitud y cu nan mester a regresa.

INTERNACIONAL NOTICIA FOR DI VENEZUELA

MALTRATA SU MESUN YIU CU KABEL DI CORIENTE
VALENCIA: E muhe Yeisy Alexandra Nuñez Pinto di 29 aña di edad, a wordo deteni pa Polisnan na Guacara na estado Carabobo, pa maltrato severo contra un mucha. Ta un persona religioso a presenta na Warda di Polis cu e mucha muhe di 12 aña, cu tabatin basta rasca na su braza drechi, na su lomba, y tur esaki a bin di golpi cu su mesun mama a dal’e cu un kabel di coriente. Ora di tuma denuncia, Polis a ripara cu e mama aki tin un historia policial, na diferente ocasion el a stroba tranquilidad publico y priva. Cu tur prueba, Polis a bay mesora pa detene e muhe, y awor e ta encarcela pendiente investigacion. Ora di saca potret, e muhe a pone un sonrisa.



BATI SU PAREHA TE CU A OCASIONA UN ABORTUS
CARACAS: Gabriel Aerodys Martinez Key di 41 aña di edad, a keda deteni na Caracas, despues cu el a bati su mesun pareha na un forma violento y fuerte, kende pa colmo tin 34 siman na estado. E golpinan aki a ocasiona morto di e fetus. E victima a wordo maltrata den su mesun cas na El Onoto, na sector La Ceiba, unda Gabriel a keda maltrat’e, y na final a nota cu e muhe a bira malo. E homber cu yudansa di bisiñanan e ora a hibe pa Hospital. Pero docter a detecta preclampsia y su presion arterial den uterus ta halto, y aki a core haci un operacion cesarea di emergencia pa trata di salba e bida di e fetus,. Sinembargo despues di e operacion a bin nota cu e fetus no tabatin señal vital mas. Polis a wordo informa, y nan a yega y detene Gabriel.



MAMA HOBEN A MALTRATA SU YIU CHIKITO
MARACAIBO: Polis a core actua y detene e muhe Maria de los Angeles Nava Sará di 19 aña, danki na denuncia haci pa bisiñanan, cu el a comete contra un mucha homber di apenas 2 aña di edad. Bisiñanan a mira kico el a haci cu e mucha den barrio El Pajal na Maracaibo, y nan a core duna tip na Polis cu e muhe a caba di sali cu e mucha maltrata rumbo pa Hospital. Un patruya di Polis tambe a core bay eynan pa check si berdad e denuncia ta of no. Ora di yega na Hospital, nan a mira e mucha chikito cu hopi golpi na su curpa procedente di maltrato. Net e ora ey tabata hiba e mucha pa e area di Pediatra di e Hospital Dr. Pedro Iturbe. Aki nan a diagnostica e mucha cu equimosis y monton di rasca fuerte y algun corta profundo den su cara. Polis a mira suficiente y a core bay aresta e mama cu ta den Wachtkamer. Ministerio Publico a confirma cu e muhe ta deteni awo, y autoridad ta bay dicidi si ta kita e mucha fo’i dje of no.



Parlamentario Rocco Tjon:

Gabinete Eman-3 a kita e cambio pa corta 8.5 miyon florin na e bureau di Ministers

Ta scoge si pa corta den enseñansa, sector social y husticia

ORANJESTAD (AAN): Al-
gun siman pasa ora nos a trece
pa dilanti cu Gabinete Eman
3 ta bay corta 10% den tur
departamento, Prome Minis-
ter Eman y Minister Gerlien

Croes a sali bisa cu esaki no
ta berdad. Nan a indica cu e
recorte ta referi na recorte na
e bureau di Ministers so.

No ta bay corta 8.5 miyon na



bureau di ministers aworaki
Durante tratamento di pre-
supuesto Minister Geoffrey
Wever a presenta un nota di
cambio caminda ta saca e
recorte di 8.5 miyon florin
na bureau di ministers afor. A
puntra mesora kico ta e moti-
bo pa laga esaki afor awor,
mirando cu nan mes a campa-
ña cu esaki y cu nan a bisa cu
e recorte no lo ta den departa-
mentonan pero na e bureau di
Minister. Minister Geoffrey
Wever a contesta cu mester
haci un mihor analisis.

Ta corta si den enseñansa,
husticia y sector social
Pa introduci un recorte me-
sora den husticia y e sector
social cu 6.2 miyon florin no
tawata tin mester di analisis.
Pa corta 2.9 miyon florin
den enseñansa no tawata tin
mester di analisis. Y tampoco
tawata tin mester di analisis
pa kita 20 miyon florin pa
traha cas social y asina tambe
baha huur pa esnan cu ta biba
den cas di FCCA.

Pa conclui
Nos ta lamenta e excusanan
cu ta wordo duna pa no in-
verti den e diferente sector-
nan. Si bo no sigui aloca fon-
do, manera nos a bin ta haci
durante e ultimo Gabinetenan
Wever-Croes, esaki lo causa
mas problema pa futuro y
consecuentemente e lo costa
mas placa tambe.

Coach di team venezolano ta nenga cu a pidi asilo na Spaña

BARCELONA: E coach di e
team venezolano Team Gue-
vara, esta Julio Guevara a
nenga cu 19 baseballista ho-
ben cu a biaha cune pa pasa
un Tour na Europa, a bay pidi
asilo na Spaña.

“Nan ta tratando di baha
nos prestigio, nos ta depor-
tista y tin di laga nos afo
for di weganan politico,”
Guevara a declara na prensa
venezolano. Pero ta prensa
internacional a confirma cu e
peloteronan aki a acudi riba
Dialuna na Warda di Polis na
Barcelona pa pidi asilo.

Pasobra ta e mesun dia ey, e
hobennan tabata planea pa re-
gresu Venezuela. Pero segun
prensa na Spaña, e hobennan
a declara na Polis cu nan a
huy y pesey ta pidi asilo pa
proteccion.

“Unda e prueba ta cu nan
a bisa esey? Na ningun mo-
mento ami a bandona nan,”
Guevara a contesta. El a bisa
cu e hobennan no a regresa
Venezuela riba Dialuna, debi
cu tabatin un posibilidad cu

nan por firma contract, y cu
algun team lo scout nan, y
pesey a dicidi na keda. Pero
no pa pidi asilo.

DRIFTWOOD RESTAURANT N.V.
Tin mester di
Kok Helpers.
Tuma contact na
583-2515

ISLAND MARINE SUPPLY N.V.
Tin mester di
Marine Diesel Motor
Technicus.
Tuma contact na
733-5436

PIPO ENTERPRISES VBA
Tin mester di
Cleaner.
Tuma contact na
569-7031

TAIBAO ENTERPRISES N.V.
Tin mester di
Warehouse Helper
Cleaner
Tuma contact na
662-9959

**Pa chica Pos - Habri tuberia y wc.
Servicio lihe y confiabel.**

Experiencia ta manda
CICLONE
Septic Tank Service

Tel: 564-0607 / 734-0607

**TA FURA
ELMA UPHOLSTERY**
Matras, box busca mainta y
haye atardi! Set di sala, tv
chair, sienta auto.
Tel: 565-5577
Macapruimstraat # 1L

DIRECTV
A miho T.V. na Aruba,
movies, sports, kids,
news & more.
Yama awo cel: 733-5762
DirecTV cambia bo vida

**CONSTRUCCION
REMODELACION**
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construcion di cas
y apto bon prijs. Free quotation.
Tel: 561-2137

**TIRA SUSHI / CHAPI
VERF / PLUMBING**
Nos ta haci tur sorto di chapi
y verf cas, edificio y school.
Nos ta tira sushi Ecotech,
y haci plumbing.
Tel/Whatsapp: 561-1397

SUSHI
Nos ta lanta sushi di cura
lage limpi limpi mane un
soño. Pa solamente 50,- y
Ecotech ta apart. Yama nos
na 592-5766 of 561-5179
Arubiano trahado.

TA CHAPI
Corta mata.
Ta tira sushi afo. Nos
ta hardineria completo
na super bon prijs.
Tel: 569-8003

ROTONDE FAST FOOD SERVICE N.V.
Tin mester di
Kitchen Helpers.
Tuma contact
na 582-8995

ARCOS DORADOS ARUBA N.V.
Tin mester di
Crew Members.
Tuma contact
na 586-1515

BUNGA INDONESIA N.V.
Tin mester di
Cleaners.
Tuma contact
na 587-0184

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

Fortaleza di Famia

Diahuebs 3 April 2025

Nos tur lo beneficia, ora nos uni den oracion

Skirbi pa: Pastor Marcel Balootje

Atrobe Mi ta bisa boso, cu si riba tera, dos di boso bay di acuer-
do tocante cualkier cos cu nan pidi, esaki ta wordo haci pa nan,
door di Mi Tata cu ta den cielo. Pasobra caminda dos of tres
reuni den Mi number ey Mi ta meymey di nan. (Mateo 18:19-
20).

Si nos kier mira algo sosode den nos bida, nos tin cu obedece
palabra di Dios, hopi biaha hende kier ricibi pero nan no kier
sigui e instruccion cu Dios ta duna, nan kier tur cos sin ningun
esfuerso, pero Dios mes a duna e formula pa exito den nos bida,
exitu den nos cas, exito den nos Famia.

No ta pornada ta para skirbi: Si Mi pueblo cu ta wordo yama
na Mi number: Humiya nan mes, y haci Oracion, y busca Mi
cara, y bira for di nan mal camindanan, e ora ey lo Mi tende for
di cielo, y pordona nan pica, y cura nan tera.

E enemigo ta haci tur cos, pa stroba oracion, pasobra e sa cu
den esey tin forza y den esey tin victoria, pasobra caminda dos
of tres reuni den number di Señor tin victoria, kico lo pasa ora
miles, y miles reuni den Su number, tambe E lo ta meymey di
nan y cosnan grandi y milagernan lo sosode.

Pesey cada hogar riba nos isla mester ta un hogar den oracion,
y no un hogar di pleito, rabia y discusion, pasobra den e cosnan
ey no tin ningun clase di bendicion.

E oracion den famia ta sumamente necesario, si e famia kier
bay dilanti, si e famia kier tin exito si e famia kier wordo libra
di trampa di e enemigo. Pasobra e poder di oracion ta kibra
bruheria y vicio, ta corre cu inmoralidad, perversidad, mal
comportacion, inhusticia, y mas cu tur cos ta aumenta e pres-
encia di Dios den nos Hogar.

Cristo Hesus kier pa nos reuni den Su number, pasobra Su
number ta riba tur otro number, E a bisa cu tur locual nos bay
di acuerdo cune den su number, su Tata cu ta den cielo lo hacie
pa nos. Tur cos cu ta den Su number ta den Su voluntad, nos
no por haya nada for di Su voluntad, pasobra e oracion di nos
Tata ta sinja nos pa Su reino bini y Su voluntad sosode tanto na
tera como den cielo.

Ta solamente beneficio tin pa nos, ora nos obedece y haci ora-
cion, y hopi biaha nos ta pasa den necesidad, pasobra nos no ta
lesa e palabra di Dios, y obedece Dios, pa asina cambio grandi
tuma lugar den nos bida, cambio grandi toma lugar den nos
curason, nos wowo lo habri y stop di pone atencion riba cos cu
no ta cumbini, y busca cara di Dios, pa asina nos por ricibi
locual nos tin mester.

Tin scritura cu ta papia di unidad den famia, cual ta hiba na
unidad den oracion.

Salmo 133:1 ta bisa: Mira ki bon y ki bunita ta ora rumannan
biba hunto den harmonia.

Colosensenan 3:13; Y boso soporta boso, y pordona otro, si
un di boso, tin un keho contra otro, mescos cu Senjor a pordona
boso, asina boso tambe mester haci. Ademas di tur e cosnan aki
bisti amor, cual ta e laso perfecto di unidad.

1 Pedro 3:8: Finalmente, boso tur sea di acuerdo cu otro,
teniendo compasion cu otro, stimando manera ruman, y sea
misericordioso y humilde den spirito.

Ta voluntad di Dios pa nos uni den oracion, pa asina nos mira
su Gloria y bondad.

Diasabra tin Santo Sacrificio di Misa na Kapel di Cas Curason di Maria y Alto Vista

ORANJESTAD (AAN): Prome Diasabra di luna 5 di april 2025 Santo Sacrificio di Misa na Kapel di Cas Curason di Maria y Alto Vista.

Ta cuminsa mainta pa 6,15, cu Santo Rosario. Pa 7 or tin Santo Sacrificio di Misa. Oracion pa necesidad di Iglesia Uni-

versal pa Papa Francisco, Administrador Jason y tur sacerdotenan. Tur cu ta carga responsabilidad pa nos pais Aruba. Paz den tur hogar, y esnan den necesidad corporal y spiritual.

Pa enfermonan na cas, den hospital y tur esnan den cas di Adulto Mayor y enfermonan cu ta

den exterior. Cu poder di Dios haya pronto nan recuperacion.

Tur hende ta bon bini na e Ora Sagrado aki cu ta un comienso di un luna bendiciona. 13 di april ta "diadomingo di Rama"

alabes ta cuminsa "Siman Santo". Laga nos asisti na Caminda di Cruz y varios oranan di Adoracion den tur parokia. Corda cu ta nos deber pa asisti na Santo Sacrificio di Misa.

"Hesus su deseo ta

pa establese devocion na Mi Curason Sufriendo. Pa tur cu ta asepta esaki, Mi ta primintinan e salvacion di nan alma y nan ta stima pa Dios manera flornan poni cu ta dorna Su trono.

Billboard a confirma cu Shakira te mihor cantante di pop latino di tur tempo

LOS ANGELES: Shakira a corona su mes como e mihor cantante di pop latino di tur tempo, sobrepasando cantantenan manera Celia Cruz y hasta Mercedes Sosa, segun un lista publica door di Billboard.

"Esaki sin duda ta un gran honor. Danki pa du-

nami inspiracion pa sigui traha y mi ta spera di por duna boso e mihor di mi cada dia di mi bida," ta loke Shakira a skirbi riba Social Media, awor cu e ta riba un World Tour.

Na di dos lugar riba e lista di Billboard a aparece Gloria Estefan, mientras

cu e di tres lugar a bay pa e fayecido Selena Quintanilla, sigui pa e Reina di Sal-sa, Celia Cruz na di cuatro lugar, y na e di cinco lugar tin Karol G.

Segun Billboard, e lista di e 50 artistanan femenino a wordo crea tumando na cuenta e permanencia di nan legadonan musical, e inspiracion cu nan a crea cerca otronan cu nan arte, of e 'futuro briyante' cu algun di e hobennan ainda tin nan dilanti.

Departamento di Labor ta cera pa publico awe

ORANJESTAD (AAN): - Departamento di Labor y Investigacion kier ta participa na tur cliente cu riba diahuebs 3 di april 2025 nan lo ta cera henter dia pa publico en conexion cu trabaonan di mantencion grandi na e airconan unda cu piso 0 y piso 1 no lo ta accesibel.

Riba e diahuebs aki por tuma contacto cu e Departamento di Conflicto entre 8:00'or pa 11:00'or di mainta y di 1:00'or pa 3:00'or di atardi riba e siguiente numbernan: 593-6934, 593-8549, 593-8024 of 593-8316.

Pa tur otro asunto por tuma contacto cu Departamento di Labor riba e number 593-2107.

Diabierna 4 di april 2025 nan oficina lo ta habri bek segun orario normal.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Señor ta mi wardador, mi'n tin falta di nada. Den cunucu di yerba berde e ta pone mi sosega.
E ta hibami na awa trankil. Pa mi bolbe haña forsa.
Salmo 23

Cu duele na nos curason, pero agradecido pa e bida largo cu Señor a dune, nos ta participa fayecimento di nos mama, nos machi stima:

Sra. Vuida Bernardina Croes-Kelly
Mihor conoci como Tina, Machi Tina, Tan Tina, Dina
Na e bunita edad di 95 año



Na nomber di su yiunan:

Dominico "Ovi" Croes y Adelaida Erasmus y famia
Rudolfo "Ronny" Croes
Lufriedo "Frido" Croes y Lidia Croes-Leest
†Rolando Croes

Su nieto- y nietanan stima:

Ryan Croes y Cindia Peña
Dr. Kenneth Croes
Lydianne y Audrey Croes-Kan
Tamalis Croes
Lucas Croes
Ethan Croes

Su 3 bisanieto/bisanieta hopi stima:

Zxennon Croes
Taniyah Croes
Anthwang Croes

Tur su rumannan defunto den feliz memoria y nan distinguido famia

Tur subrinu- y subrinanan y su ihanan

Un danki special na su ayudante cu a cuide cu hopi amor y cariño Laurie Wever-Rodriguez y su esposo Gilbert Wever, Charity Kock cu a dune hopi cuido cu hopi amor y cariño, zusternan di Wit Gele Kruis y su doctor di cas Dr. Fernandes

Su amiganan di cas manera famia:

Juanita y Rubira Roys
Elimina "Negra" Atencio-Romero, Lucia Marquez-Werleman y Swinda Sevinger

Famianan: Croes, Kelly, Boekhoudt, Leest, de Mey, Feliciano, Erasmus, Peña, Kan, Kock, Roys demas famia

Ta invita tur amistadnan, bisñanan, conocinan pa asisti na e acto di despedida y entiero cu lo tuma lugar:

Diabierna 4 April 2025
Na Aurora Funeral Home
Ora 2:00-4:00 pm

Despues di respons ta sali pa Santana Catolico na Paradera

Nos machi stimá: Danki pa tur cos cu machi a haci y significa pa nos. Awor ta momento pa sosegá dushi den braza di Señor

Nos kier a pidi disculpa si nos por a lubida un of otro familia den nos tristeza.

Oracion pa awe:

Señor Hesus danki pa semper t'ey pa nos. Danki pa ta un Tata bondadoso. Yuda nos ta mas manera Bo. Nos tambe por ta compasivo y tierno cu nos rumannan, maske cu nan por a faya cu nos. Esey ta bo grandesa. Manda bo Spirito Santo pa E por yuda nos yega na e caminda di Santidad den nomber di Hesus.

AMEN.
G.C.P.A



**AT AMC UNICON.
WE'VE
GOT YOU!**

**NEED A NEW
VEIHING
EXPERIENCE?**




**SAVE
AWG 3600**

**Whirlpool
French Door**
25 Cu. Ft.

**NOW
AWG 4999**
WAS AWG 8599



**SAVE
AWG 550**

**Samsung
Topmount
Inverter**
12 Cu. Ft.

**NOW
AWG 1399**
WAS AWG 1949



**SAVE
AWG 800**

**TCL
Side By Side**
23 Cu. Ft.

**NOW
AWG 1799**
WAS AWG 2599



**SAVE
AWG 1300**

**Samsung
Side By Side**
28 Cu. Ft.

**NOW
AWG 2499**
WAS AWG 3799



**SAVE
AWG 1550**

**Whirlpool
Side by Side**
25 Cu. Ft.

**NOW
AWG 2999**
WAS AWG 4549



569-2407
AMC EAGLE MEGASTORE

568-9070
AMC SAN NICOLAAS

HORARIO: 9am - 6pm DIALUNA PA DIASABRA



Muchanan a bay haya les den nan propio hardin na scol

ORANJESTAD (AAN): Aruba a caba di drenta e luna di Mama Tera, y riba e potretnan aki cu hopi alegria por mira e wak futuro generacion activo den nan hofi di alimentacion hunto cu Jufrouw Rose di e organizacion di Living Soil Aruba.

E siman aki na Scol Primario Conrado Coronel na Primavera, tabata bunita pa mira con fabuloso e Hardin di Alimentacion di nan, den cuadro di proyecto di Agroforesteria a bira.

E biaha aki hunto cu e alumnonan, envez di bay mantene e hardin, a dicidi na haci uso di e chens pa aduna e alumnonan mas educacion. E alumnonan a cana den hardin, y a haya potret, y mester a combina e nomber di matanan cu potret di palonan. Despues di esey, nan a bay explora e hardin pa asina haya e berdadero palonan di



mata. Aki e alumnonan a siña cu cada blachi di mata ta conta un storia diferente, pues ningun blachi ta mescos cu otro. Na final, cada alumno a escoge un blachi di mata pa bay observa, y

despues pinta esaki den tur su detaye. Di berdad e tabata un dia yen di educacion y e muchanan a sa di conecta cu naturaleza. Ban alegre nos bida door di planta tur dia.